



Broj: 02-04-2-1183/25
Maglaj, 26.06.2025. godine

ZAPISNIK

sa 8. redovne sjednice Općinskog vijeća Maglaj
održane dana 26.06.2025. godine u 16:00 sati u Sali Općinskog vijeća
JU Dom kulture «Edhem Mulabdić» Maglaj

Predsjedavajuća Aida Bašić: Na osnovu člana 59. Poslovnika o radu Općinskog vijeća Maglaj, zaključaka Kolegija od 16.06.2025. godine otvaram 8. redovnu sjednicu Općinskog vijeća Maglaj. Na današnju sjednicu pozvani su vijećnici iz parlamentarnih političkih stranaka: SDP, SDA, DF, SNAGA NARODA, PDA, BH ZELENI i NAPRIJED BH. Poziv za sjednicu dostavljeni su OSCE terenskom uredu u Travnik, i sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Također su pozvani i zastupnici u Skupštini Zeničko-dobojskog kantona.

Sve vas selamim i pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata. Molim predstavnicu Službe Općinskog načelnika i Općinskog vijeća da prozivkom vijećnika utvrdimo broj vijećnika na 8. redovnoj sjednici Općinskog vijeća Maglaj. Današnjoj sjednici Općinskog vijeća prisustvuju 24 vijećnika, odsutni su Mujkanović Arif, Arif je najavio kašnjenje na sjednicu. Konstatujem da Općinski načelnik je službeno odsutan i opravdano odsutan sa sjednice danas. Konstatujem da Općinsko vijeće može punovažno raditi i odlučivati i donositi Odluke, zaključke i rješenja, čime je ispoštovan član 88. Poslovnika o radu Općinskog vijeća Maglaj. Na današnjoj sjednici izvršit ćemo i verifikaciju zapisnika sa 7. redovne sjednice, ima li primjedbi? Nema, ko je za verifikaciju? Ukoliko nema primjedbi zapisnik savljam na verifikaciju, ko je za?

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Damir Bašić, Firuz Galijašević, Samir Fetić, Eldin Mehinagić, Almin Smailović, Senad Šehić, Selver Mahmić, Jasmin Đuhera, Adin Obralić (SDP), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Nema.

Konstatujem da smo jednoglasno usvojili Zapisnik sa predhodne sjednice.

Predsjedavajuća Aida Bašić: Otvaram raspravu po pitanju Dnevnog reda, da li ima prijedloga za proširenje ili dopunu Dnevnog reda? Evo pauza na zahtjev Kluba SDA. Nakon pauze nastavljamo dalje. Otvaram raspravu po pitanju Dnevnog reda. Da li ima prijedloga za proširenje Dnevnog reda, eventualno izmjenu? Gospoda Hadžić izvolite.

Vijećnica Aida Hadžić: Pozdravljam sve prisutne. Predlažemo da se skine tačka broj 5. Prijedlog odluke o izmjeni Odluke o osnivanju i potvrđivanju mjesnih zajednica na području općine Maglaj jer je materijal došao maltene u potpunosti isti kao na prošloj sjednici. One prijedloge koje smo mi

i nejasnoće tražili da se izmjene i da nam se to jasnije predoči nisu urađene, tako da se to ostavi za sljedeću sjednicu.

Predsjedavajuća Aida Bašić: Hvala lijepo, da li ima još prijedloga? Ukoliko nema više prijedloga za promjenu Dnevnog reda, stavljam na glasanje prijedlog koji je došao od strane gospode Hadžić da se sa Dnevnog reda skine tačka broj 5? Ko je za ovaj prijedlog?

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENi), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Damir Bašić, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić (SDP),

Predsjedavajuća Aida Bašić: Konstatujem da smo sa 15 glasova za usvojili da se tačka 5. skine sa Dnevnog reda. Sada ću pročitati predloženi dnevni red sa ovom izmjenom.

DNEVNI RED

1. Prijedlog Odluke o izmjeni i dopuni Poslovnika o radu Općinskog vijeća Maglaj
2. Prijedlog Odluke o usvajanju djelimične izmjene Regulacionog plana „Stari Grad“ Maglaj, po zahtjevu Šečić Hajrudina iz Maglaja
3. Prijedlog Odluke o pristupanju djelimičnoj izmjeni Regulacionog plana „Centar Maglaj – sjeverni dio“, izmjene namjene obuhvata zone C1 (Kompleks Motela)
4. Prijedlog Odluke o imenovanju povjerenika MZ-a na području općine Maglaj
5. Prijedlog urneka Statuta MZ-a
6. Periodični finansijski izvještaj Budžeta/Proračuna Općine Maglaj za period 01.01.-31.03.2025. godine
7. Plan i program održavanja, sanacije, rekonstrukcije i uređenja lokalnih i nerazvrstanih puteva i gradskih ulica sa finansijskim pokazateljima za 2025. godinu
8. a) Izvještaj o radu Javne ustanove „Dom zdravlja“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu
b) Program rada Javne ustanove „Dom zdravlja“ Maglaj za 2025. godinu
9. a) Izvještaj o radu Javne ustanove „Narodna apoteka“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu
b) Program rada Javne ustanove „Narodna apoteka“ Maglaj za 2025. godinu
10. a) Izvještaj o radu Javne ustanove „Narodna biblioteka“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu
b) Program rada Javne ustanove „Narodna biblioteka“ Maglaj za 2025. godinu
11. a) Izvještaj o radu Javne ustanove Dom kulture „Edhem Mulabdić“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu
b) Program rada Javne ustanove Dom kulture „Edhem Mulabdić“ Maglaj za 2025. godinu
12. a) Izvještaj o radu Javne ustanove „Centar za socijalni rad“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu
b) Program rada Javne ustanove „Centar za socijalni rad“ Maglaj za 2025. godinu
14. Izvještaj o radu Javne ustanove „Dječiji vrtić“ Maglaj za 2024. godinu sa finansijskim pokazateljima
15. Informacija o stanju lokalnih i nekategorisanih puteva na području općine Maglaj

Vijećnička pitanja i inicijative

Predsjedavajuća Aida Bašić: Ko je za ovako predloženi Dnevni red?

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENi), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Damir Bašić, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić (SDP).

Predsjedavajuća Aida Bašić: Konstatujem da je predloženi Dnevni red dobio potrebnu većinu.

AD 1. Prijedlog Odluke o izmjeni i dopuni Poslovnika o radu Općinskog vijeća Maglaj

Predsjedavajuća Aida Bašić: Prelazimo na tačku 1. Prijedlog Odluke o izmjeni i dopuni Poslovnika o radu Općinskog vijeća Maglaj. Otvaram raspravu. Da li se neko javlja za diskusiju? Prije nego što prodiskutujemo materijal pročitat ću zaključak Komisije za statutarne pitanja, Poslovnik i propise a koji se tiču tačke 1. Komisija je nakon Prijedloga Odluke o izmjeni i dopuni Poslovnika o radu Općinskog vijeća Maglaj utvrdila mišljenje da akt u svojoj preambuli sadrži odredbe propisa koji utvrđuju usaglašenost sa zakonom, Statutom Općine Maglaj a koji ukazuju na nadležnost Općinskog vijeća Maglaj da navedeni akt razmatra i postupa shodno svojim nadležnostima. Također komisija sugeriše Općinskom vijeću Maglaj da u stavu 1. Odluke o izmjeni i dopuni Poslovnika o radu Općinskog vijeća Maglaj ubaci tekst koji bi glasio: glasanje je javno ako Statutom ili ovim Poslovnikom nije drugačije određeno i vrši se u pravilu korištenjem uređaja za elektronsko glasanje a u nemogućnosti istog glasanje se može vršiti dizanjem ruke ili glasačkog kartona. Ovo je mišljenje od strane Statutarne komisije vezano za tačku broj 1. Rasprava je otvorena, vijećnik Kusur izvolite.

Vijećnik Eldis Kusur: Sve vas srdačno selamim i pozdravljam i želim nam svima danas ugodan i plodonosan rad. Ja bih samo ispred koalicionog bloka iznio stav da mi predlažemo da se prihvati sugestija Komisije za statutarne pitanja i ja ću pročitati radi zapisnika šta tražimo. Znači, da u stavu 1. Odluke o izmjeni i dopuni Poslovnika o radu Općinskog vijeća ubace tekst i glasi glasanje je javno ako Statutom ili ovim Poslovnikom nije drugačije određeno i vrši se u pravilu korištenjem uređaja za elektronsko glasanje a u nemogućnosti istog glasanje se može vršiti dizanjem ruke ili glasačkim kartonom. Znači, mi ispred koalicionog bloka predlažemo da se prihvati ovaj prijedlog komisije.

Predsjedavajuća Aida Bašić: Hvala lijepo, vijećnik Mešić izvolite.

Vijećnik Mirza Mešić: Da vas sve srdačno pozdravim i da nam zaželim uspješan rad na ovoj vrelini danas. Evo ja ću obzirom da se ovdje radi za glasanje, vjerovatno ćemo brzo ako ne budemo uporedo imali i upotrebu mikrofona predložiti jedan zaključak kada su vezani mikrofoni. Znači ako se vijećniku omogući korištenje mikrofona s mjesta i potrebno je naknadno regulisati Poslovnikom da se regulišu način prijave i oduzimanja riječ, uključanje i tehničke poteškoće i slične stvari. Da to bude regulisano također Poslovnikom.

Predsjedavajuća Aida Bašić: Želite da to bude prijedlog o kojem ćemo se izjašnjavati ili da bude sugestija službi da to uradi do sljedeće sjednice?

Vijećnik Mirza Mešić: Tako je, do sljedeće sjednice da to bude spremno. Prijedlog zaključka da bude.

Predsjedavajuća Aida Bašić: Hvala lijepo. Da li ima još vijećnika za diskusiju? Evo ukoliko nema više vijećnika, pauza na zahtjev Kluba SDP-a izvolite. Nakon pauze nastavljamo dalje. Firuze da li imate stav kluba? Nema. Zaključujem raspravu po pitanju tačke 1 i stavljam na glasanje 2 prijedloga koji su pristigli tokom diskusije. Jedan prijedlog je došao od koalicione većine i drugi je od koalicione većine. Možemo ih staviti zajedno na glasanje. Prvi prijedlog se

odnosio na izmjenu pripremljene Odluke u stavu 1, te se predlaže da se stav 1 izmijeni i da glasi glasanje je javno ako Statutom ili ovim Poslovnikom nije drugačije određeno i vrši se u pravilu korištenjem uređaja za elektronsko glasanje a u nemogućnosti istog glasanje se može vršiti dizanjem ruke ili glasačkog kartona. Drugi prijedlog je bio da se do sljedeće sjednice pripremi izmjena Poslovnika o radu Općinskog vijeća u dijelu ukoliko se omogućava korištenje mikrofona s mjesta da je potrebno isto regulisati Poslovnikom. Način prijave, oduzimanje riječi, uključenje tehničke poteškoće. Prijedloge stavljam na glasanje, ko je za?

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Damir Bašić, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhara, Senad Šehić (SDP).

Predsjedavajuća Aida Bašić: Konstatujem da su prijedlozi dobili potrebnu većinu i sada Odluku stavljam na glasanje uz uvažavanje prijedloga koji smo već izglasali, ko je za?:

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Damir Bašić, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhara, Senad Šehić (SDP).

Predsjedavajuća Aida Bašić: Konstatujem da je tačka 1 dobila potrebnu većinu.

ZAKLJUČAK

1.1. Da se u članu 89. Poslovnika o radu Općinskog vijeća Maglaj stav (1) Prijedloga Odluke o izmjeni i dopuni Poslovnika o radu Općinskog vijeća Maglaj izmijeni i glasi:

Glasanje je javno ako Statutom ili ovim Poslovnikom nije drugačije određeno i vrši se u pravilu korištenjem uređaja za elektronsko glasanje, a u nemogućnosti istog, glasanje se može vršiti dizanjem ruke ili glasačkog kartona;

1.2. Da se do sljedeće sjednice Općinskog vijeća Maglaj pripremi izmjena Poslovnika o radu Općinskog vijeća Maglaj u dijelu ukoliko se omogućava korištenje mikrofona s mjesta, da je potrebno isto regulisati Poslovnikom: način prijave, oduzimanja riječi, uključenje, tehničke poteškoće i slično;

Donosi se Odluka o izmjeni i dopuni Poslovnika o radu Općinskog vijeća Maglaj

AD 2. Prijedlog Odluke o usvajanju djelimične izmjene Regulacionog plana „Stari Grad“ Maglaj, po zahtjevu Šečić Hajrudina iz Maglaja

Predsjedavajuća Aida Bašić: Prelazimo na tačku 2 a to je Prijedlog Odluke o usvajanju djelimične izmjene Regulacionog plana „Stari Grad“ Maglaj, po zahtjevu Šečić Hajrudina iz Maglaja. Otvaram raspravu, da li je potreban uvodničar? Ne treba. Samo da pročitam zaključak Komisije za privredu, prostorno uređenje, urbanizam i zaštitu okoliša. Nakon provedene rasprave

komisija daje preporuku Općinskom vijeću da usvoji Prijedlog Odluke o usvajanju djelimične izmjene Regulacionog plana „Stari Grad“ Maglaj. Otvaram raspravu. Da li se neko javlja za diskusiju? Nema, zatvaram raspravu i stavljam tačku na glasanje, ko je za?

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA), Damir Bašić, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić (SDP).

Glasalo protiv: Nema.

Uzdržanih: Nema.

Predsjedavajuća Aida Bašić: Konstatujem da je tačka broj 2 dobila potrebnu većinu.

ZAKLJUČAK

2.1. Donosi se Odluka o usvajanju djelimične izmjene Regulacionog plana „Stari Grad“ Maglaj, po zahtjevu Šečić Hajrudina iz Maglaja.

AD 3. Prijedlog Odluke o pristupanju djelimičnoj izmjeni Regulacionog plana „Centar Maglaj – sjeverni dio“, izmjene namjene obuhvata zone C1 (Kompleks Motela)

Predsjedavajuća Aida Bašić: Prelazimo na tačku 3 a to je Prijedlog Odluke o pristupanju djelimičnoj izmjeni Regulacionog plana „Centar Maglaj – sjeverni dio“, izmjene namjene obuhvata zone C1 (Kompleks Motela). Također zaključak Komsije za privredu, prostorno uređenje, urbanizam i zaštitu okoliša. Nakon provedene rasprave komisija daje preporuku Općinskom vijeću da usvoji Prijedlog Odluke o pristupanju djelimičnoj izmjeni Regulacionog plana „Centar Maglaj – sjeverni dio“, izmjene namjene obuhvata zone C1 (Kompleks Motela). Otvaram raspravu, da li ima vijećnika za diskusiju? Nema, zatvaram raspravu te tačku 3 stavljam na glasanje, ko je za?

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Damir Bašić, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić (SDP).

Uzdržanih: Nema.

Predsjedavajuća Aida Bašić: Konstatujem da je tačka 3 dobila potrebnu većinu.

ZAKLJUČAK

3.1. Donosi se Odluka o pristupanju djelimičnoj izmjeni Regulacionog plana „Centar Maglaj – sjeverni dio“, izmjene namjene obuhvata zone C1 (Kompleks Motela)

AD 4. Prijedlog Odluke o imenovanju povjerenika MZ-a na području općine Maglaj

Predsjedavajuća Aida Bašić: Prelazimo na tačku 4. Prijedlog Odluke o imenovanju povjerenika MZ-a na području općine Maglaj. Otvaram raspravu. Vijećnik Mehinagić se javio za diskusiju, izvolite.

Vijećnik Eldin Mehinagić: Sve vas selamim i pozdravljam. Ja bih samo počeo s pitanjem ako ima u Sali adekvatan da odgovori po tom pitanju, da nam malo opširnije objasni značenje uvođenja povjereništva i u koju svrhu se uvode povjerenici. Znači, nisam završio samo postavljam pitanje.

Predsjedavajuća Aida Bašić: Šefica službe je službeno odsutna, tako da odgovor jedino možete dobiti u pisanoj formi, šta drugo da vam sada kažem. Vijećnik Fetić izvolite.

Vijećnik Samir Fetić: Sve vas selamim i pozdravljam, pa evo došlo je i da se skidaju povjerenici izgleda i predsjednici. Mi svake godine imamo neke izbore u ovoj mjesnoj zajednici. Stvarno nije potrebno ovo ali evo vidjet ćemo šta će se desiti. Samo interesuje me kako sve to mora se predati, prebrojati i sve i opet hajdi čovjek što pravi te izbore, onda će on predavati nekom drugom ako ne pobijedi na tim izborima. Taj povjerenik što bude pravio. To ništa nije jasno ali neka nam neko pojasni šta će i kako to završiti, taj cijeli posao i kako će biti po Statutu. Ja nisam gledao nikada ustvari radio sam i stvarno mjesna zajednica je i funkcionisala evo možete vidjeti da smo mi sve. mi sada imamo 9.000 maraka na računu, mjesna zajednica. Ja kad sam došao ja sam bio u dubiozi, šta ću ja došao treći dan kaže na sud i ja Saši Mehiću što me bolan na sud, pa kaže imate dužni ovo, dužni ono, dužni Hajdićima neke crte po poligonu. Stanite ljudi bolan da se dogovorimo, riješit ćemo to ljudski, polako. Vi bi mene u zatvor treći dan. S tim što smo mi radili, nismo gledali ni ko je HDZ ni SDP, ni SDA. Svima dolazio u svaku ulicu probleme rješavao. Dosta sam stvari dobrih uradio ja i ovo Vijeće. Ne skidate vi samo mene još 7 ljudi skidate i njima isto nije jasno zašto to. Evo Aida bili smo cijelo vrijeme u mjesnoj zajednici, pomagala si nam kada nam je trebalo. Sve je bilo korektno evo sad ne znam ako će skoro biti izbori u mjesnim zajednicama zašto uvoditi povjerenike nego trebalo bi sačekati da istekne mandat i onda da se raspiše izbori i da se to riješi. Ovo je sada s zbrda z dola.

Predsjedavajuća Aida Bašić: Hvala lijepo. Da li ima još vijećnika za diskusiju? Vijećnik Mehinagić.

Vijećnik Eldin Mehinagić: Samo da pojasnim znači pošto sam i ja predsjednik mjesne zajednice, jesam ja za uvođenje povereništva jer imamo dosta mjesnih zajednica koje nemaju ni predsjednika ni povjerenika kada krenemo od Rakovca, Starog Grada i dobro je to što se to mora uraditi međutim ima tu sad volio bih da mi neko sa pravne strane objasni vršenje primopredaje. Ja lično smatram da ko god da koga zamijeni, naslijedi nazovite kako hoćete. Da to treba uraditi po nekom zakonu. Kad kažem po zakonu mislim izvršiti polugodišnji i završni obračun, popisivanje inventara u mjesnoj zajednici. Nije to samo vraiti pečat, pečat je namjenje ako treba da sada odmah vratim. Nije zahvlano biti ni predsjednik ni povjerenik to ko misli da jeste ko nije iskusio. Volio bih s pravne strane ako može neko da izađe i da objasni jel potrebna ta procedura ili samo ko bude smijenjen mora vratiti pečate.

Predsjedavajuća Aida Bašić: Hvala lijepo, vijećnik Mešić izvolite.

Vijećnik Mirza Mešić: Kolege vijećnici Fetić i Mehinagić ako su pratili ranije sjednice znači ja koliko se mogu sjetiti na osnovu izvještaja da je tada donesen zaključak da je to sve obrazloženo i objašnjeno zašto se to radi. Evo druga ili treća sjednica dolazi ova tematika. Ja ću se samo ovdje na ovu odluku pozvati da trebaju da se dodaju određene stvari ovo što je kolega Mehinagić govorio. U članu 2 stav 2 umjesto riječi „a prema uputama službe“ treba da stoji a na osnovu Upustva o provođenju izborne aktivnosti za organe mjesne zajednice a koje će donijeti Općinsko vijeće Maglaj. Također u članu 3 treba da stoji ova Odluka stupa na snagu dnaom donošenja a mandat povjerenicima počinje teći 30 od dana stupanja na snagu ove Odluke. Zaključak bi bio da se služba pripremi za narednu sjednicu Općinskog vijeća Maglaj Upustvo o provođenju te da započne stručne i tehničke pripreme za provođenje izbora.

Predsjedavajuća Aida Bašić: Hvala lijepo. Da li se još neko javlja za riječ? Vijećnik Abdurahmanović.

Vijećnik Adis Abdurahmanović: Selamim i pozdravljam sve prisutne. Kako je rekla predsjedavajuća neko će iz službe pisano odgovoriti vijećnicima na postavljena pitanja, a ja sam

izašao ispred klub vijećnika čisto radi javnosti i tamo u materijalu koji smo svi dobili jasno piše razlozi za donošenje. Ja ću samo radi javnosti te razloge koje ste dobili u materijalima pročitati. Na sjednici Općinskog vijeća 06.06.2025. godine kroz tačku Dnevnog reda Informacija o radu i funkcionisanju mjesnih zajednica bili smo svjedoci da određeni broj mjesnih zajednica uopće nije dostavio svoje izvještaje i programe rada. Veliki broj mjesnih zajednica onih koji su dostavili iste nisu usvojili na zborovima građana, kako je to predviđeno članom 19.važećih Statuta mjesnih zajednica. Zbor građana je zanemaren u usvajanju Izvještaja o radu za 2024. godinu i planova i programa rada za 2025. godinu. To su donosila Vijeća mjesnih zajednica a postoji indicija da pojedine mjesne zajednice čak nisu sazivale ni vijeća nego su to uradili samo predsjednici mjesnih zajednica. Shodno svemu ovome navedenom što ste dobili u materijalima Klub vijećnika SDA će podržati uvođenje povjerenika u sve mjesne zajednice i podržat će prijedloge koji u materijalu čini mi se predlaže Općinski načelnik.

Predsjedavajuća Aida Bašić: Hvala lijepo, vijećnik Fetić replika izvolite.

Vijećnik Samir Fetić (replika): Ja se slažem da nije bio Izvještaj ali mi smo nas je 7 sjelo i napravili smo taj Izvještaj i tačno je to možda smo trebali da nam je neko rekao da to treba da bude sazvan sastanak i da ostali ljudi budu upućeni i trebalo je tako možda i uraditi. Vi ste našli taj razlog da se obore sve mjesne zajednice ali žao mi je one mjesne zajednice koje su radile ali eto tako je to. Mi moramo poštovati, hvala.

Predsjedavajuća Aida Bašić: Hvala lijepo, vijećnik Firuz izvolite. Replika Abdurahmanović, zatim vijećnik Firuz.

Vijećnik Adis Abdurahmanović (replika): Kolega Fetiću i Mehinagiću ja znam da ste se vi za svoje mjesne zajednice u ovom periodu trudili kao i svi drugi predsjednici mjesnih zajednica. Uradili ste poslove koje ste uradili, ja zaista ne vidim nikakav problem. Povjerenici imaju zadatak provođenja izbora. Vi ako vaša mjesna zajednica odnosno građani prepoznaju da ste vi, vjerovatno će vas ponovo izabrati i nema niko ništa protiv toga. nastavite raditi, to je to. Zaista, zato ide u setu i to je to.

Predsjedavajuća Aida Bašić: Vijećnik Firuz izvolite.

Vijećnik Firuz Galijašević: Pozdravljam sve prisutne. Žao mi je što stvarno niko neće moći odgovoriti mom drugu Buci Mehinagiću na pitanja koja je postavio. Tražio je nekog iz službe da mu odgovori. Nažalost i ja ću izgleda postaviti uvjetno. Da li su ikada mjesne zajednice do sada u ovih zadnjih 30 godina usvajale Izvještaje o radu na zborovima građana, ja se stvarno ne sjećam ali eto. To je pitanje. Ako nisu usvajale zašto onda nadležna služba nije opomenula predsjednike mjesnih zajednica da se to uradi i zašto im nije vratila Izvještaje, dokumentaciju. Znači da je ovdje uglavnom bila greška do službe ne sada nego ovih zadnjih 30 godina. Pitanje je da li se razrješavaju dužnosti i svi članovi Vijeća mjesnih zajednica koji su izabrani legitimno i slobodnom voljom naroda.

Predsjedavajuća Aida Bašić: Hvala lijepo, vijećnik Mešić replika.

Vijećnik Mirza Mešić: Vi ste tražili odgovor od službe a nama je služba dostavila i ovo je služba napisala i sve obrazložila jasno i glasno zbog čega je to urađeno. Meni je drago kolega Firuze evo nakon 9 godina Vi ste počeli čitati materijale a do sada ni jednom niste izašli i pročitali i vidjeli piše li to igdje da li su iznosile odnosno usvajali Vijeća mjesne zajednice ili su zborovi usvajali. Nakon 9 godina Vi ste se probudili to mi je drago.

Predsjedavajuća Aida Bašić: Hvala lijepo. Replika Firuz.

Vijećnik Firuz Galijašević (replika): Žao mi je kolega Mešiću što niste bili na času. Ja sam iznosio svoje mišljenje i postavljao sam pitanja. Ja nisam davao ni zaključke ni druge neke komentare. Poslušajte malo kad neko nešto priča. Hvala.

Predsjedavajuća Aida Bašić: Hvala replika Mešić.

Vijećnik Mirza Mešić (replika): Ja sam veoma dobro slušao. Vi ste ovdje za ovom govornicom rekli da li su do sada a imali ste svake godine materijale sa mjesnih zajednica. Mogli ste vidjeti, znači niste čitali.

Predsjedavajuća Aida Bašić: Hvala replika Firuz. Probajte okončati raspravu.

Vijećnik Firuz Galijašević: Ja neću stvarno više. Mislim nekako mi je bezveze se raspravljati s nekim ko neće da sluša. Imam pravo da postavim pitanje. To vas nije briga jesam li ja čitao ili nisam materijale. Da li ja znam informaciju o tome. Ja imam pravo da postavim pitanje.

Predsjedavajuća Aida Bašić: Svakako to je vaše pravo. Hvala lijepo. Vijećnik Mehinagić izvolite.

Vijećnik Eldin Mehinagić: Ništa nije mi bila namjera da zatežem da se zakomplikuje ovo ja sam rekao stva u suštini povjereništvo nije loša stvar i imamo mi gdje nemamo predsjednika niti povjerenika i imamo predsjednike koji ustvari i ne rade svoj posao da mi budemo jasni. Suština mog pitanja je ovakva recimo uzet ću da ne bih spominjao druge mjesne zajednice svoju mjesnu zajednicu. Mene samo interesuje kada se imenuje povjereništvo nadam se da ko bude davao prijedlog da će to biti ljudi koji hoće raditi, stručni ljudi jer svi misle da je to nešto aman. Interesuju me sada projekti koji su se krenuli raditi preko Federalnog ministarstva evo ja dole već radim šta s tim. Nije problem što se mene tiče ja sam ovog momenta spreman vratiti pečat, uopšte nemam taj problem. To me interesuje na koji način regulisati novčane transakcije ako se vrati pečat a nisu isplaćena sredstva i još niz pitanja. To me interesuje ako ima ko da mi s pravne strane to odgovori. Ovo vam postavljam pitanje jer me jedan obični potpis koštao 3 godine suda. Znači 3 godine sam se ganjao po sudu. Ne bih volio da se u budućnosti desi ponovo neki taj incident i da dođem u situaciju da neko mora odgovarati za mene što se kaže u nardou ni lukom jeo ni lukom mirisao. To je to.

Predsjedavajuća Aida Bašić: Hvala lijepo, Smailović vijećnik izvolite.

Vijećnik Almin Smailović: Ja bih pozdravio sve prisutne. Ovdje se vodi rasprava oko povjereništava naravno nije to ništa strano i nije to ništa loše. Koliko sam slušao jedino zbor građana je usvojio u MZ Kosova izvještaj i plan, sve ostale mjesne zajednice nisu. Što znači da u svim mjesnim zajednicama osim Kosove trebaju biti neka nova imena da bi bio taj zaključak na koji se pozivate validan. Naravno što se tiče MZ Čobe moje Vijeće je uradilo dosta posla ne vidim problem ako će neko drugi preuzeti i nastaviti raditi posao. Svima treba dati priliku da bi ih vrednovali, da li oni mogu ili ne mogu nešto uraditi a svakako da bude povjerenik sazivao zbor onda ćemo vidjeti ko sa čime raspolaže. Hvala.

Predsjedavajuća Aida Bašić: Hvala lijepo. Replika Mešić izvolite.

Vijećnik Mirza Mešić(replika): Samo da ispravim kolegu Smailovića ovdje niko nije rekao da je mjesna zajednica odnosno zbor građana u Kosovu usvojio. Ja koliko znam bile su dvije i znam sjećam se sigurno za jednu u materijalu da je bilo Novi Šeher. Za druge se ne mogu sjetiti ali znam da Kosova nije bila koliko se mogu sjetiti.

Predsjedavajuća Aida Bašić: Hvala lijepo. Da li ima još vijećnika za diskusiju? Pauza na zahtjev vijećnice Hadžić. Nastavljamo dalje, diskusija je još uvijek u toku. Samir Fetić se javio za riječ izvolite. Odsutan je Ridžal Alen. 23 vijećnika je u Sali.

Vijećnik Samir Fetić: Ja bih samo da postavim pitanje je li za 90 dana u roku od 3 mjeseca moraju biti izbori po zakonu jel tako ili se može produžavati. Da neko to odgovori i moram pohvaliti gospodina Farisa, čovjek je dakle mačka. Što god se sa njim dogovoriš stvarno čovjek je od riječi. Za ovo kratko vrijeme pokazao se korektno.

Predsjedavajuća Aida Bašić: Hvala lijepo. Alen Ridžal se vratio na sjednicu Vijeća, 24 vijećnika prisutna. Da li ima još vijećnika za diskusiju? Nema. U ime općinskog načelnika a po ovlaštenju samog načelnika prijedlog će nam za imena povjerenika mjesnih zajednica i za dopunu člana 1 sa imenima ponuditi Faris Habibović.

Faris Habibović: Sve vas srdačno selamim i pozdravljam, prvi put se javljam za riječ. Odlukom o imenovanju povjerenika mjesnih zajednica na području općine Maglaj u članu 1 imenuju se za povjerenika MZ Donji Rakovac gospodin Blago Mišić, MZ Jablanica gospodin Damir Nalić, MZ Bijela Ploča gospodin Mehmedalija Arnautović, MZ Ulišnjak gospodin Safet Dedić, MZ Straitšte gospodin Ajdin Avdić, MZ Krsno Polje-Bakotić gospodin Milenko Petrović, MZ Bočinja gospodin Enes Imamović, MZ Kosova gospodin Enes Sejmenović, MZ Moševač gospodin Safet Prijedlčić, MZ Ravna gospodin Emir Kalabić, MZ Oručje gospodin Almir Hajdić, MZ Misurići gospodin Omer Hasanić, MZ Liješnica gospodin Elvir Čamić, MZ Bradići gospodin Rasim Hasić, MZ

Radojčići gospodin Marinko Kelavić, MZ Novi Šeher gospodin Nedžad Alispahić, MZ Brezove Dane gospodin Eldis Kusur, za povjerenika MZ Čobe gospodin Adem Meškić, MZ Kopice gospodin Mustafa Mehmedović, MZ Maglaj Grad gospodin Fuad Čičkušić.

Predsjedavajuća Aida Bašić: Hvala lijepo Farise. Čuli ste prijedloge ukoliko nema više vijećnika za diskusiju, zaključujem raspravu te ću pristigle prijedloge staviti na glasanje. Imali smo prijedlog koji je pristigao od strane vijećnik Mirze Mešića a u ime koalicionog bloka, on se odnosio na izmjenu člana 2 da napomenem da postoji i tehnička greška u samoj Odluci poslije člana 2 piše član 4 a naravno treba stajati član 3. Mirza Mešić je iznio prijedlog koji se odnosio na izmjenu u članu 2 stav 2 umejsto riječi a prema uputama službe treba da stoji na osnovnu upustva o provođenju izborne aktivnosti za organe mjesne zajednice a koje će donijeti Općinsko vijeće Maglaj i u roku od 90 dana to je i u samoj Odluci tako. U članu 3 treba da stoji ova Odluka stupa na snagu dnaom donošenja a mandat povjerenicam počinje teći 30 dana od dana stupanja na snagu ove Odluke. Prijedlog zaključka je da služba pripremi za narednu sjednicu Općinskog vijeća Upustvo o provođenju te da započne stručne i tehničke pripreme za provedbu svih aktivnosti, ko je za?

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENi), Kenan Burić (NARIJED BH), Nesib Serhatlić (PDA),

Glasalo protiv: Damir Bašić, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić(SDP).

Uzdržanih: Nema.

Predsjedavajuća Aida Bašić: Konstatujem da je ovaj prijedlog dobio potrebnu većinu. Drugi prijedlog je prijedlog koji je došao od strane Općinskog načelnika a taj prijedlog nam je iznio Faris Habibović i on se odnosio da se član 1. dopuni sa imenima samih povjerenika za svaku mjesnu zajednicu. Ima li potrebe da čitam ponovo imena? Nema, onda stavljam na glasanja ovaj prijedlog ko je za?

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENi), Nesib Serhatlić (PDA),

Glasalo protiv: Damir Bašić, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić(SDP).

Uzdržanih: Kenan Burić (NARIJED BH).

Predsjedavajuća Aida Bašić: Konstatujem da je ovaj prijedlog dobio potrebnu većinu. Sada stavlja na glasanje smau Odluku uz uvažavanje prijedloga koji smo već izglasali, ko je za?

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENi), Nesib Serhatlić (PDA),

Glasalo protiv: Damir Bašić, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić(SDP).

Uzdržanih: Kenan Burić (NARIJED BH).

Predsjedavajuća Aida Bašić: Konstatujem da smo tačku 4.usvojili.

ZAKLJUČAK

4.1. Da se ispravi tehnička greška u redoslijedu članova, odnosno da umjesto član 4. piše član 3.;

4.2. Da se u članu 2. stav (2) izmijeni, odnosno umjesto „a prema uputama i aktima Službe za boračko invalidsku i socijalnu zaštitu, opću upravu i društvene djelatnosti Općine Maglaj“ treba da stoji „a na osnovu uputstva o provođenju izborne aktivnosti za organe mjesne zajednice koje će donijeti Općinsko vijeće Maglaj u roku od 90 dana“;

4.3. Član 3. mijenja se i treba da glasi „Ova Odluka stupa na snagu danom donošenja, a mandat povjerenicima počinje teći 30 dana od dana stupanja na snagu ove Odluke i bit će objavljena u Službenim novinama Općine Maglaj“;

4.4. Da Služba za boračko invalidsku i socijalnu zaštitu, opću upravu i društvene djelatnosti pripremi za narednu sjednicu Općinskog vijeća Maglaj, Uputstvo o provođenju izborne aktivnosti, te da započne stručne i tehničke pripreme za provedbu svih aktivnosti;

4.5. Donosi se Odluka o imenovanju povjerenika MZ-a na području općine Maglaj kojim se imenuju sljedeći povjerenici: MZ Donji Rakovac – Blago Mišić, MZ Jablanica – Damir Nalić, MZ Bijela Ploča – Mehmedalija Arnautović, MZ Ulišnjak – Safet Dedić, MZ Straište – Ajdin Avdić, MZ Krsno Polje – Bakotić – Milenko Petrović, MZ Bočinja – Enes Imamović, MZ Kosova – Enes Sejmenović, MZ Moševac – Safet Pridjelčić, MZ Ravna – Emir Kalabić, MZ Oruče – Almir Hajdić, MZ Misurići – Omer Hasanić, MZ Liješnica – Elvir Čamić, MZ Bradići – Rasim Hasić, MZ Radojčići – Marinko Kelavić, MZ Novi Šeher – Nedžad Alispahić, MZ Brezove Dane – Eldis Kusr, MZ Čobe – Adnan Meškić, MZ Kopice – Mustafa Mehmedović i MZ Maglaj Grad – Fuad Čičkušić.

AD – 5: Prijedlog urneka Statuta MZ-a

Predsjedavajuća Aida Bašić: Prelazimo na tačku 5.a to je Prijedlog urneka Statuta MZ-a. Otvaram raspravu, vijećnik Mešić izvolite.

Vijećnik Mirza Mešić: Malo je duže izlaganje. Kada je u pitanju ova tačka i ona nam je dolazila više puta, pa ja ću evo pročitati pošto dosta ima stvari. Kada je u pitanju član 12. potrebno ga je izbrisati u cjelosti, odnosno član 12 je pridodan, prepisan član izmjene Statuta Općine Maglaj, Službene novine 6/24 u kojem se dopunjuje član 93. stavovima 3,4 i 5. Ovaj član je u suprotnosti sa članom 21, Statuta Općine Maglaj koji je decidno naveo kojom većinom se donose pojedini akti na Vijeću. U Statutu Općine Maglaj stoji Općinsko vijeće donosi Odluke većinom glasova ukupnog broja vijećnika na način koji je regulisan Poslovnikom. Statut saglasnost za promjenu granica općine i Odluku o prenošenju poslova i samoupravnog djelokruga općine Vijeće donosi 2/3 većinom glasova ukupnog broja izabranih vijećnika. To je član 21. Statuta Općine Maglaj. U članu 92. Statuta dopunama Statuta Općine iz 2024. godine dodani su sljedeći stavovi: stav 3. Odluku o prihvatanju inicijative za osnivanje novih mjesnih zajednica usvaja se 2/3 većinom glasova ukupnog broja izabranih vijećnika. Stav 4. Izdvajanje dijela mjesne zajednice kao i spajanje mjesnih zajednica u cilju osnivanja nove mjesne zajednice vrši se na način utvrđen ovim Statutom. Stav 5. Odluka iz prethodnog stava treba da sadrži elemente utvrđene zakonom. Kada su u pitanju izmjene i dopune Statuta iz 2024. godine ovdje treba napomenuti da član 93.a koji je malo duži ali moram ga pročitati radi zapisnika. Ukoliko se utvrdi da postoji nemogućnost funkcionisanja mjesnih zajednica kao i organizovanje djelovanja građana naseljenih mjesta u mjesnim zajednicama kod kojih je broj birača upisan u glasački spisak prelazi 4.000 te ukoliko postoje fizičke i prirodne prepreke koje mogu dovesti do nemogućnosti funkcionisanja mjesne zajednice kao i postojanje nezainteresovanosti djelovanja većine građana što smo svi svjedoci većinom u većini mjesnih zajednica. U naseljenim mjestima unutar mjesnih zajednica rade efikasnijeg funkcionisanja rada mjesnih zajednica inicijativu za izmjenom Odluke o osnivanju mjesnih zajednica može podnijeti Općinsko vijeće ili Općinski načelnik. osim podataka o podnosiocu inicijative i predlagača za osnivanje i izdvajanje mjesne zajednice prijedlog sadrži podatke o nazivu, sjedištu, području naseljenog mjesta. To sve piše u tom članu 93. koji je prošle godine usvojen. Ja ću zato skratiti pa ću navesti dole šta treba da se radi. Iz navedenog nije jasno na koje se mjesne zajednice odnosi dio koji govori te ukoliko postoje fizičke i prirodne prepreke koje mogu dovesti do nemogućnosti funkcionisanja mjesne zajednice kao i postojanje

nezainteresovanosti djelovanja većine građana naseljenih mjesta unutar mjesnih zajednica radi efikasnijeg funkcionisanja i rada mjesnih zajednica. Inicijativu za izmjenom Odluke o osnivanju može podnijeti načelnik ili Vijeće. Neka od mogućih tumačenja mogla bi biti prepreke da se ocijene diskreciono bez jasnih i preciznih kriterija što pruža mogućnost nejednakog tretmana prema svim građanima općine Maglaj. O tome da se nakon prihvatanja inicijative načelnika ili Vijeća od službe pripremi prijedlog odluke. Nije precizirana i može biti tumačeno da kod ovakve Odluke ne treba 2/3 većina vijećnika niti se prethodno ima obaveza provođenja referenduma kao što je to slučaj sa inicijativama koje dolaze od strane građana ili same mjesne zajednice. Ovim bi se različitim tumačenjima mjesne zajednice dovele u neravnopravan tretman. Onemogućilo bi bilo kakvo izjašnjavanje građana i konsultacije u samoj mjesnoj zajednici. Moglo bi se dovesti do toga da samo grupa od 13 vijećnika digne bez znanja građana da se desi određena promjena da mjesna zajednica pripoji drugoj, više spoji u jednu itd. Što se krši sa Zakonima o principima lokalne samouprave, član 25. zakona u kojem građani odlučuju kroz organe mjesnih zajednica o pitanju za život i rad u mjesnim zajednicama. O ovome bi se moglo raspravljati dugo i vjerovatno svako ima svoj pogled na tumačenje a kako smo mi ovaj novi saziv Vijeća želja nam je da se uvede pravna sigurnost, stabilnost i funkcionisanje mjesnih zajednica nakon evo svi smo svjedoči ovdje da mjesne zajednice neke funkcionišu a veliki broj zaista ne funkcionišu. Trebalo bi da se uvede neki red. Imamo ovdje vijećnike koji su predsjednici mjesnih zajednica i koji su zaista radili evo. Ja bih ovom prilikom opet iskoristio da pohvalim i gospodina Eldina i Samira Fetića zvanog Bakulu radili su vjerovatno će ih možda građani i podržati. Tako da nastavim, želja nam je da se poboljša funkcionisanje mjesnih zajednica i razvoj općine. Predlažemo da Vijeće donese zaključak po kojem bi od nadležnih organa države i federacije zatražili pomoć i poslali upit o usklađenosti članova Odluke o izmjena i dopunama Statuta Općine Maglaj, Službene novine Općine Maglaj članova Odluke o izmjena i dopunama Statuta Općine Maglaj, Službene novine Općine Maglaj 6/24 sa odredbama Zakona o principima lokalne samouprave i drugim važećim članovima Statuta Općine Maglaj. Upit bi se poslao na adrese Federalnog ministarstva za pravosuđe i upravu i Ombudsmenu za ljudska prava. Član 20. Urneka Statuta MZ-a propisuje minimalan broj građana, tamo ako se vidjeli imamo preko 1100 do 1050 itd. Znači, propisuje minimalan broj građana potrebnih za kvorum, ovim prijedlogom kakav je u materijalu mjesne zajednice su dovedene u neravnopravan položaj za kvorum u jednoj mjesnoj zajednici treba 16 % dok u drugoj treba 2 %. S druge strane nije precizirano kako i na koji način se osigurava prisustvo građana određenih naseljenih mjesta posebno u onim sa mješovitim sastavom i geografski specifičnim područjem, nacionalna pripadnost itd. Bradići, Novi Šeher, Radojčići, Fojnica itd. Ove brojke nisu prošle također prethodne konsultacije kroz mjesne zajednice a obaveza je zakonska kao i na osnovu ranijih zaključaka, tačnije zaključak sa 11. sjednice Vijeća 28.12.2021. godine. Treba napomenuti da Zakon o principima lokalne samouprave i Statut Općine kao i Odluka o osnivanju i potvrđivanju mjesnih zajednica ne propisuje minimalan broj prisutnih za odlučivanje na zboru već jasno kaže da se to utvrđuje Statutom mjesne zajednice. Zato predlažemo da se ove izbrišu a ostavi slobodan izbor da mjesne zajednice odrede Statutom ili Poslovníkom o radu mjesne zajednice da se Urnek umjesto brojke 100 i 50 formuliše riječima koji ne može biti manji od 5 % u prvom pokušaju, 3 % u drugom.

Predsjedavajuća Aida Bašić: Hvala lijepo, vijećnik Firuz.

Vijećnik Firuz Galijašević: Evo pošto vidim da se vijećnik Mešić pripremio a stvarno bih volio da znam jedno pitanje ili vijećniku Mešiću ili predstavniku službe koji bi mogao da odgovori na to, kada je ova tačka u pitanju na koji način će se usvojiti ova tačka Dnevnog reda, 2/3 većinom ili natpolovičnom većinom prisutnih vijećnika. To samo pitanje ako bi se moglo odgovoriti.

Predsjedavajuća Aida Bašić: Hvala lijepo, vijećnik Fetić izvolite.

Vijećnik Samir Fetić: Ja sam slušao Mirza upravu si to ne može se 10 % stanovništva npr u Misurićima to je negdje 100 i nešto ljudi i ja bih stavio ovdje da bude manje. Nikog to ne interesuje, da je 5 % npr. Gledaj šta se desilo prije kad je prije 3-4 godine isto usvojeno ovdje da se napravi saziv mjesnih zajednica ko sad bila srijeda i bilo Vijeće. Ja tuhnem odmah u subotu izbore i dođe mi 98 ljudi, dođemo tamo kaže ne može. Moji me obore. Moje me Vijeće obori i kaže ne može, nisu ovi ostali odradili, što kaže žuriš. Šta ću ja ljudima opet objašnjavam, vraćaj sljedeće

subote opet vraćaj ljude znate li vi koji je to posao? Tada je bilo 68,67 ljudi i tako da smo se mi prvi organizovali što se tiče mjesnih zajednica Misurići su prvi organizovali Vijeće i to je Vijeće bilo do danas. Ja toliko.

Predsjedavajuća Aida Bašić: Hvala lijepo, samo da napomenem da danas raspravljamo i da ćemo danas usvojiti ili ne usvojiti Prijedlog urneka Statuta. Znači urnek, mislim da to sve govori. Urnek je nešto što će se proslijediti dalje mjesnim zajednicama i svaka mjesna zajednica imat će vjerovatno određene specifičnosti za svoju mjesnu zajednicu. Ovo je urnek. Hvala, da li ima još vijećnika za diskusiju? Vijećnik Kusur izvolite.

Vijećnik Eldis Kusur: Ja ću ispred koalicione većine iznijeti zaključke i predlažem da se o istima glasa. Znači prihvata se urnek Statuta MZ kao radni dokument uz uvažavanje istih prijedloga, sugestija i primjedbi vijećnika koje je kolega Mešić iznio. Zadužuje se Služba za boračko-invalidsku i socijalnu zaštitu, opću upravu i društvene djelatnosti da izradi smjernice i uputstva za dalje postupanje i provođenje procedura u mjesnim zajednicama radi izrade konačnog akta Statuta prilagođenog datoj mjesnoj zajednici. Po završetku procesa i konsultacija i usvajanje Statuta MZ-a dužne su iste dostaviti kao prijedloge Općinskom vijeću na razmatranje i konačno usvajanje. Rokovi za implementaciju zaključaka zajedno sa provođenjem izbora u mjesnim zajednicama predlažemo da bude rok od 120 radnih dana.

Predsjedavajuća Aida Bašić: Hvala lijepo. Da li ima još vijećnika za diskusiju? Ukoliko nema, prije zaključenja rasprave pauza, Adise želite prije pauze nešto da kažete.

Vijećnik Adis Abdurahmanović: Samo ispravka kolege Kusura, nije 120 radnih dana, nego 120 dana, to je 30 plus 90.

Predsjedavajuća Aida Bašić: Dobro hvala, evo pauza, pa se vraćamo i nastavljamo dalje. Nakon pauze nastavljamo dalje, nisam zaključila raspravu ukoliko ima još vijećnika koji se javljaju za diskusiju? Evo mogu to sada učiniti, ukoliko nema zaključujem raspravu i prijedloge koji su pristigli stavljam na glasanje. Niz prijedloga je došao od strane vijećnika Mirze Mešića, evo ja ću obzirom da je Mirza diskutovao malo u široj konotaciji ja sam sa njim tokom pauze i definisala same prijedloge zaključaka i oni glase: Da se izbriše član 12. Prijedloga urneka Statuta MZ-a. Da se član 20. Prijedloga urneka Statuta MZ-a izmijeni i dopuni u dijelu brojki, tačnije 100 i 50, koji se pominju u Urneku da se brišu i da se zamijene riječima „ koji ne može biti manji od 5% u prvom pokušaju, a u drugom pokušaju 2%; Da se od nadležnih organa države i Federacije zatraži pomoć i da se pošalje upit o usklađenosti članova Odluke o izmjenama i dopunama Statuta Općine Maglaj, Službene novine Općine Maglaj, broj: 6/24 sa odredbama Zakona o principima lokalne samouprave i drugim važećim članovima Statuta Općine Maglaj. Da se pošalje upit na adresu Federalnog ministarstva za pravosuđe i upravu i Ombudsmenu za ljudska prava Bosne i Hercegovine. Ove prijedloge stavljam na glasanje, ko je za?

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Kenan Burić (NARIJED BH).

Glasalo protiv: Damir Bašić, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhara, Senad Šehić (SDP).

Uzdržanih: Nema.

Predsjedavajuća Aida Bašić: Konstatujem da su prijedlozi koji su izneseni dobili potrebnu većinu. Drugi set prijedloga zaključaka je pristigao od vijećnika Eldisa Kusura i oni glase: Prihvata se urnek Statuta MZ-a kao radni dokument uz uvažavanje iznesenih prijedloga, sugestija i primjedbi vijećnika Mirze Mešića, . Zadužuje se Služba za boračko – invalidsku i socijalnu zaštitu, opću upravu i društvene djelatnosti da izradi smjernice i uputstva za dalje postupanje i provođenje procedura u mjesnim zajednicama radi izrade konačnog akta Statuta prilagođenog datoj mjesnoj zajednici. Po završetku procesa, konsultacija i usvajanja Statuta po mjesnim zajednicama dužne su iste dostaviti kao prijedloge Općinskom vijeću na razmatranje i konačno usvajanje. Rokovi za

implementaciju zaključaka zajedno sa provođenjem izbora u mjesnim zajednicama su 120 dana. Ko je za ove prijedloge?

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajčić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Kenan Burić (NARIJED BH).

Glasalo protiv: Damir Bašić, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić (SDP).

Uzdržanih: Nema.

Predsjedavajuća Aida Bašić: Konstatujem da su prijedlozi koji su izneseni dobili potrebnu većinu. Sada na glasanje stavljam Prijedlog urneka Statuta mjesnih zajednica uz uvažavanje iznesenih prijedloga zaključaka koje smo unaprijed usvojili. Ko je za?

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajčić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Kenan Burić (NARIJED BH).

Glasalo protiv: Damir Bašić, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić (SDP).

Uzdržanih: Nema.

Predsjedavajuća Aida Bašić: Konstatujem da je tačka dobila potrebnu većinu.

ZAKLJUČAK

5.1. Da se izbriše član 12. Prijedloga urneka Statuta MZ-a;

5.2. Da se član 20. Prijedloga urneka Statuta MZ-a izmijeni i dopuni u dijelu brojki, tačnije 100 i 50, koji se pominju u Urneku da se brišu i da se zamijene riječima „koji ne može biti manji od 5% u prvom pokušaju, a u drugom pokušaju 2%“;

5.3. Da se od nadležnih organa države i Federacije zatraži pomoć i da se pošalje upit o uskladenosti članova Odluke o izmjenama i dopunama Statuta Općine Maglaj, Službene novine Općine Maglaj, broj: 6/24 sa odredbama Zakona o principima lokalne samouprave i drugim važećim članovima Statuta Općine Maglaj. Da se pošalje upit na adresu Federalnog ministarstva za pravosuđe i upravu i Ombudsmenu za ljudska prava Bosne i Hercegovine;

5.4. Prihvata se urnek Statuta MZ-a kao radni dokument uz uvažavanje iznesenih prijedloga, sugestija i primjedbi vijećnika Mirze Mešića;

5.5. Zadužuje se Služba za boračko – invalidsku i socijalnu zaštitu, opću upravu i društvene djelatnosti da izradi smjernice i uputstva za dalje postupanje i provođenje procedura u mjesnim zajednicama radi izrade konačnog akta Statuta prilagođenog datoj mjesnoj zajednici;

5.6. Po završetku procesa, konsultacija i usvajanja Statuta po mjesnim zajednicama dužne su iste dostaviti kao prijedloge Općinskom vijeću na razmatranje i konačno usvajanje;

5.7. Rokovi za implementaciju zaključaka zajedno sa provođenjem izbora u mjesnim zajednicama su 120 dana;

5.8. Usvaja se Prijedlog urneka Statuta MZ-a uz uvažavanje iznesenih prijedloga zaključaka.

AD – 6: Periodični finansijski izvještaj Budžeta/Proračuna Općine Maglaj za period 01.01.-31.03.2025. godine

Predsjedavajuća Aida Bašić: Prelazimo na tačku 6. Periodični finansijski izvještaj Budžeta/Proračuna Općine Maglaj za period 01.01.-31.03.2025. godine. Da li nam je potreban

uvodničar? Nije, otvaram raspravu, da li se neko javlja za riječ? Ne javlja, zatvaram raspravu i tačku 6. stavljam na glasanje, ko je za?

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Kenan Burić (NARIJED BH).

Glasalo protiv: Damir Bašić, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić (SDP).

Uzdržanih: Nema.

Predsjedavajuća Aida Bašić: Konstatujem da je tačka dobila potrebnu većinu.

ZAKLJUČAK

6.1. Usvaja se Periodični finansijski izvještaj Budžeta/Proračuna Općine Maglaj za period 01.01.-31.03.2025. godine.

AD – 7: Plan i program održavanja, sanacije, rekonstrukcije i uređenja lokalnih i nerazvrstanih puteva i gradskih ulica sa finansijskim pokazateljima za 2025. godinu

Predsjedavajuća Aida Bašić: Prelazimo na tačku 7. Plan i program održavanja, sanacije, rekonstrukcije i uređenja lokalnih i nerazvrstanih puteva i gradskih ulica sa finansijskim pokazateljima za 2025. godinu. Otvaram raspravu, vijećnik Ridžal se javio za riječ izvolite.

Vijećnik Alen Ridžal: Koristim priliku da vas sve poselamim i pozdravim. Klub vijećnika SDA će podržati ovaj Plan za 2025. godinu. Moramo pohvaliti i naglasiti da je u odnosu na proteklu godinu ove godine planirano 480.000 KM što je za 60.000 više u odnosu na prethodnu godinu. Također koristimo priliku da još jednom čestitamo našem načelniku Maidu Suljakoviću na veoma kvalitetnom odgovoru odnosno na izazove koje su ga zadesile tokom ovogodišnjih enormnih snježnih padavina. Toliko.

Predsjedavajuća Aida Bašić: Hvala lijepo. Da li se još neko javlja za riječ? Ukoliko nema više vijećnika za diskusiju, zaključujem raspravu i tačku 7 stavljam na glasanje, ko je za?

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Kenan Burić (NARIJED BH).

Glasalo protiv: Damir Bašić, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić (SDP).

Uzdržanih: Nema.

Predsjedavajuća Aida Bašić: Konstatujem da je tačka dobila potrebnu većinu.

ZAKLJUČAK

7.1. Donosi se Plan i program održavanja, sanacije, rekonstrukcije i uređenja lokalnih i nerazvrstanih puteva i gradskih ulica sa finansijskim pokazateljima za 2025. godinu.

AD – 8: a) Izvještaj o radu Javne ustanove „Dom zdravlja“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu

b) Program rada Javne ustanove „Dom zdravlja“ Maglaj za 2025. godinu

Predsjedavajuća Aida Bašić: Prelazimo na tačku 8.a) Izvještaj o radu Javne ustanove „Dom zdravlja“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu. Da li je potreban uvodničar, vama ne treba drugoj strani treba. Danas sa nama ne vidim direktoricu ali vidim predsjednika Upravnog odbora gospodina Vehabovića, izvolite doktore.

Elvir Vehabović: Prije svega da vas pozdravim. Pokušat ću hronološki da napravim nekakav uvod i da vas upoznam sa situacijom. Prošli utorak sam ja dobio zvanično rješenje na kućnu adresu o imenovanju za predsjednika Upravnog odbora. U srijedu su već počeli problemi. Odnosno informacija o problemima. U privatnom razgovoru odnosno privatnim putem sam dobio informaciju da JU Dom zdravlja Maglaj u nekih narednih 10 do 15 dana napušta 5 ljekara iz porodične medicine. Da pokušam prevesti znači imamo područne ambulante Šeher gdje rade 2 ljekara, Kosova i Moševac koji drži jedan ljekar. Liješnica, Ulišnjak i Bočinja i imamo u matičnoj zgradi 5 ambulanti porodične medicine. Sve zajedno to govori nekih 11 timova. Imamo medicinu rada kao specijalističku ustanovu koja se bavi tim nekakvim zdravstvenim problemima radno sposobnog stanovništva. U prevodu za normalno funkcionisanje odnosno minimalan broj radnika koji treba u porodičnoj medicini je negdje 10 ukoliko nemate nikog na godišnjem odmoru, nemate nikog iz dežure i nemate bolesnih ljekara. Odlaskom ovih 5 ljekara, kako je meni kasnije službenom informacijom potvrđeno jer sam odmah reagovao i tražio od pravnika ustanove da mi do sjednice Upravnog odbora koju sam zakazao odmah za ponedjeljak ovaj sad, u minimalnom zakonskom roku od 3 do 5 dana uz potrebu da se zakaže sjednica Upravnog odbora. Pa sam ga zamolio da mi odmah pod tačkama razno dostavi informaciju o ljekarima koji imaju namjeru da napuste JU Dom zdravlja Maglaj. Istu sam u pisanoj formi odnosno na mail dobio. Ja ću vam sada pročitati inicijale, B.M doktor medicine, zatražio sam informaciju koji doktori nemaju specijalizaciju i koliko ih radi i koliko ih ostaje. B.M doktor medicine nema specijalizaciju, O.S. nema specijalizaciju. Š.A. doktor medicine je najavila odlazaka dobila specijalizaciju s druge strane. S.S. doktor medicine dobila specijalizaciju u Novom Sadu, koristi neplaćeno. S.A. doktor medicine najavio odlazak dobio specijalizaciju u drugoj ustanovi. H.DŽ. doktor medicine dobila specijalizaciju u drugoj ustanovi i I.A. doktor medicine najavila odlazak dobila specijalizaciju u drugoj ustanovi. Na sjednici koju smo mi održali u ponedjeljak ja sam postavio pitanje, zna li se o čemu je riječ. Odgovor sam dobio da se to i prije dešavalo. Ja se nešto ne mogu sjetiti da je 5 ljekara u jednom trenutku napustilo zdravstvenu ustanovu a da se nije našla zamjena adekvatnog broja. U slučaju da se ovo desi, ostajemo sa 2 specijaliste porodične medicine, 1 specijalistu oftalmologa koji radi u porodičnoj medicini i eventualno ova dvojica koja se nisu još izjasnila da odu. Znači, ukupno 5 ako uzmemo da oni obično i dežuraju ti ljekari, pa budu iz dežure ostaje nam 4 ljekara. Sa 4 ljekara kako organizovati rad jednog Doma zdravlja koji broji 19 hiljada i nešto osiguranih i ima 11 timova porodične medicine gdje svaki tim broji po 1800 stanovnika. Sukladno tome, a propo što kažu toga, na toj sjednici Upravnog odbora smo donijeli zaključak da zbog ozbiljnosti situacije Izvještaj kao takav u radnoj formi ne usvajamo, i dostavljamo Vijeću kao osnivaču ustanove na dalje razmatranje. Mi smo kao Upravni odbor donijeli zaključak da ćemo u ovom periodu od 3 dana, utorak, srijeda i četvrtak pokušati nešto uraditi. Da ćemo razgovarati sa tim ljudima, da vidimo uzroke koji su doveli do te situacije. Ja sam predložio da budem ja jedan član te komisije, da bude još jedan član Upravnog odbora. Pozvao sam i ovdje prisutnog predsjednika sindikata doktora Elmedina, bio je tu i zapisničar i sad zavisi od dana do dana mi smo obavljali te razgovore. Da bi sve bilo formalno pravno zvanično da ne bi bilo rekla kazala, ovaj izmislio ovako, ovaj onako. Krenuli smo razgovore sa tim ljekarima od prvorangiranog koji ima najviše da kažem staža, pa prema dole. Svaki dan oprilike po 2 ljekara, gdje onda dobijate tužne informacije koje vam oni mogu sami potvrditi ovdje na ovoj sjednici spremni su i to. Da niko tim ljekarima u proteklom periodu nije prezentirao plan kada bi oni trebali da krenu u to svoje dalje školovanje. Da li će to biti, govorilo se ove godine, pa sljedeće godine, pa ovako, pa onako. Imamo podatak da prvospomenuti B.M. kaže ovako jednu zanimljivu anegdotu kaže meni ističe licenca.

Licenca kod ljekara traje 7 godina, i onda se obnavlja i to ide regularno. Znači, vi skupljate bodove u tih 7 godina idete na predavanja, radite i to. Ja u šali kažem valjda imaš bodova. Jesi li kaže kad čuo da neko dobija drugu licencu a da nije dobio specijalizaciju. Ja nisam, on će biti rijedak primjer da je čovjke čekao specijalizaciju 7 godina a maglajlija domaći, nema kud čovjek otići. Drugi ista situacija nije 7 nego 6, 6,5 godina. Šta vam je do sada rečeno, ništa. Ja kaže ne mogu više čekati, idem u Gračanicu, idem u Tuzlu, idem tamo traže. Ovo bi trebao biti Izvještaj o neradu o bahatosti i oholosti. Ironično sam u privatnom razgovoru predložio ako nam ostane ovih 5 da kupimo 3 pošto sam dobio već informaciju iz drugih ustanova u razgovorima sa direktorima drugih ustanova da se već raspituje o zatvaranju područnih ambulanti. Znači, Šeher, Kosova, Moševac, Ulišnjak, Liješnica svi će tamo doći jer nema ko raditi logično. Ja sam onda došao na bolju ideju, kad se već vraćamo u 80-te, hajmo se barem vratiti u one početne postavke 60-te, kupit ćemo 3 bicikla i 2 konja. Pošto se kroz grad može biciklom, pa neka doktor više tu sam, izlazite na prozore vičite. Ovi neka idu na konjima tamo po selima. Rekao sam ironično. Ova dva ljekara su na naš, moj angažman i angažman doktora Elmedina pristali da sačekaju kraj godine, gdje smo mi rekli da će Upravni odbor učiniti sve da njih dvojica odu na specijalizaciju. Time kupujemo vrijeme da tražimo nove ljekare koji će uskočiti umjesto njih. U srijedu, smo nastavili razgovor sa druga dva ljekara polovično uspješno. Jedna doktorica ima dogovorenu specijalizaciju u Zenici. Treba početi raditi 01.07. Uspjeli smo je što kaže malo i slagati da sačeka sljedeću godinu u ovo vrijeme, da žrtvuje godinu dana svog života pa da bi ostala kod svoje kuće. Ova druga je rekla da definitivno je odlučila napušta ovaj grad, odlazi i otići će do kraja godine. Treći par koji smo trebali danas imati, kolegica se razboljela, na bolovanju je pa smo njen razgovor odgodili za ponedjeljak. Pa ne znam šta će se desiti. Informaciju onako usput koju ću vam dati. Direktor prije mene koji je bio u mandatu 4 godine, a imao je u to svom mandatnom periodu poplavu, pa nije bilo baš ni očekivati da se dešavaju da čovjek baš može raspolagati sa svim i svačim pa je uspio da za te 4 godine pošalje na specijalizaciju 3 osobe, koje su se vratile u našu ustanovu i rade. Ja pošto sam kad sam bio direktor pošto sam imao obezbjeđenu svu aparaturu i sve to. Imao sam sređenu ustanovu pa sam se određivao da školujem kadar. Pa sam raspisao 5 specijalizaciju i 6 pokrenuo. Dobio dekret od ministarstva. To je jedina specijalizacija taj što je dobiven dekret iz ministarstva koja je za ove 3,5 godine pokrenuta. Ako nađete ustanovu u BiH osim možda Sapne, daj e slična ovome. Znači čuo sam za Sapnu da ne raspisuju nikad. Sapna je malo seoce. Hajmo malo dalje o ovome, malo o finansijama. Čuo sam jednu od svog trenutnog direktora mudru pare će se nadoknaditi ali ljudi neće nikako. Finansije ko finansije, uvijek ima amortizacije, uvijek gubitka i ima i u ovom Izvještaju. Nisam iskren da budem puno ni obraćao pažnju ali sam jednu drugi detalj zatražio da mi se javi. Pošto sam znao informaciju neku pa sam tražio da mi se dostave podaci o dodacima na platu rukovodećih organa ustanove, direktor, šefovi službi, glavni tehničari. Onda ja ću vas pitati a vi meni slobodno odgovorite. Jeste li kad čuli da direktor ima naknadu i prima je za obavljanje posla šefa službe? Da je direktor i šef službe i da za to prima naknadu od 8 %. Pa kaže ovako osnovna plata tolika, dodatak za zvanje ok poštujem, dodatak na uvjete rada to je Kolektivnim ugovorom a onda idu naknad eza rad u komisiji za vozača, za sistematske ljekarske preglede, za šefa službe. Sve što se uradi dobije se naknada. Naknada što diše, naknada što hoda, što priča, naknada za ovo, naknada za ono. Ne lezi vraže, dobija se naknada za položajni dodatak šefa službe a angažuju se radnici iz Kantonalne bolnice Zenica da rade taj isti posao. Psihijatri dolaze iz Zenice da rade a ja ću uzeti naknadu za rad u službi. To je otprilike ovako, vi dobijate paušale i naknade za rad što sjedite ovdje a onda vi tražite od predsjedavajuće da plati neke vaše komšije da vi ne morate više sjediti tu, pa neka se njima plaća dodatno što oni sjede a vi ste normalno svoje dobivati kod kuće. Pa imamo doktoricu koja je šef dvije službe, pa imamo opet naknada za ovo, naknada za ono. Naknada što upali svjetlo, naknada što ga ugasi. Da ne bi bila šuplja priča, evo ja ću tražiti zaključak od ovog cijenjenog doma, neka se traži. Izvještaj kad sam ja bio direktor da se vide naknade koje sam ja primao. Pa da vidimo razliku novca u 4 godini svih šefova službi, svega u onom Domu zdravlja u periodu 2017-2021. godina i u periodu od 2022. pa na ovamo. Pa kada vidite te postotke i te cifre, onda glasaite o ovome Izvještaju. Uzmite u obzir i inflacije i deflacije i poskupljenja, uzmite u obzir sve. Tamo je samo jedan radnik imao naknadu za obavljanje svog

posla, ustvari dva glavni tehničar i glavni tehničar hitne službe. Glavni tehničar jedno vrijeme minimalnu naknadu, pa kasnije mu nešto povećao a onda se dođe sa finansijskim izvještajem i kuka se nema se para i opet kažem pare nisu problem, para nema, namirit će se, problem su ljudi. Ljudi, koji odlaze u Novi Sad da rade džaba. Zamislite tu činjenicu da doktor radnik ili bilo ko ide iz svog grada, da radi džaba u drugom gradu. To je za čestitat i onda se kaže neko mene želi da ruši. U biti ja ću lahko. Meni je problem za vas, ja sam već pobjegao. Ako bude još pitanja tu sam.

Predsjedavajuća Aida Bašić: Hvala doktore na ovako detaljnom izvještaju ispred Upravnog odbora. Rasprava je otvorena da li ima vijećnika za diskusiju? Vijećnik Burić izvolite.

Vijećnik Kenan Burić: Sve vas selamim i pozdravljam. Evo pošto je doktor to sve detaljno opisao, neka pitanja koja sam ja imao da postavim. On je već postavio, evo ovo što je ostalo pošto nema direktorice da li će mi odgovorit ili pismeno onda, mene zanimaju sljedeće stvari. Koliko je specijalizacija dala za svoj mandat? Vjerovatno nula a kako sam ja skonto iz ovog Izvještaja vašeg, pošto znamo da je doktorica Drnda dala 3, doktor Vehabović 5. Zbog čega u njenom mandatu ni jedan specijalista nije otišao na obuku ili edukaciju. Dalje, koja je svrha naručivanja u Domu zdravlja, mene to zanima, jer sam ja imao tu situaciju da se naručim u tom i tom periodu i čekao sam na svoj pregled 2 sata i još tu je bilo pacijenata ne znam 10-15 koji su isto naručeni u isto vrijeme kad i ja. Zar svrha naručivanja nije da se olakša doktorima i pacijentima da ne čekaju po 2 sata na neke preglede. Dodeš u zakaznom terminu i to je to. Stvaraju se gužve, galama, nervozni, zašto nisam primljen, kad ću. Po meni je apsurd da se naručuju pacijenti a da dolaze u isto vrijeme na pregled. Svakih 15-20 minuta da uđe po jedan pacijent to bi stvarno bilo lijepo, niti bi bilo galame, niti bi se svadalo osoblje sa pacijentima. Sve funkcionisalo kako treba. Po Izvještajima koje sam tamo čitao vidim da PAT edukacije koje je direktorica slala su bile u januaru, dva doktora i dva tehničara, pa me zanima da li su u 2025. godini tehničari doktori slali na edukacije, da li su isti li, te iste edukacije išli na ALS i BLS edukacije jer vidim tamo da nije navedeno, pa me zanima zašto nisu slani i naravno zašto se taj specijalista plaća iz Zenice koji dolazi da ga mi plaćamo a direktorica uzima naknadu, zašto direktorica taj posao ne obavlja. Toliko.

Predsjedavajuća Aida Bašić: Hvala lijepo, pitanja koja ste uputili koliko se meni čini većinom su za direktoricu i naravno bit će prosljeđena i u pisanoj formi ćemo tražiti odgovor na njih. Da li ima još vijećnika za diskusiju? Nema. Pauza na zahtjev Kluba SDP-a prije zaključenja rasprave. Nastavljamo dalje sa radom. Rasprava još uvijek nije zaključena, ima li još vijećnika za diskusiju? Vijećnik Musić izvolite. Prije vijećnika samo da pročitam zaključak Komisije za statutarne pitanja, Poslovnik i propise. Može Amere izvolite vi dok ja zaključčak nađem.

Vijećnik Amer Musić: Sve vas selamim i pozdravljam sve prisutne. Ja ću iznijeti prijedlog zaključka ispred koalicione većine. Razmatrajući Izvještaj o radu i finansijski izvještaj JU Dom zdravlja za proteklu godinu, uzimajući u obzir negativno mišljenje Upravnog odbora koji konstatuje ozbiljne nedostake u rukovođenju, planiranju i realizaciji aktivnosti ustanove shodno tome koaliciona većina neće prihvatiti Izvještaj o radu te predlažemo sljedeće zaključke: zadužuje se Upravni odbor da u skladu sa zakonskim ovlaštenjima i procedurama hitno preuzme mjere u cilju stabilizacije prilika u javnoj ustanovi, odnosno preispita rad menadžmenta i predloži rješenja. Dalje, zadužuje se Upravni odbor da Općinskom vijeću u roku od 30 dana dostavi informaciju o preduzetim radnjama i prijedlozima za stabilizaciju rada ustanove. Također pozivamo nadležne općinske službe da u okviru svojih ovlaštenja prate stanje i pruže stručnu pomoć Upravnom odboru u realizaciji ovih zaključaka. Hvala.

Predsjedavajuća Aida Bašić: Hvala, kao što sam i rekla zaključak Statutarne komisije, komisija sugerije Općinskom vijeću da usvoji zaključak da služba prilikom traženja Izvještaja o radu javnih ustanova navodi pravni osnov za dostavljanje istih. Ovo važi za sve ustanove od kojih se traže njihovi izvještaji. Hvala Amere, da li ima još vijećnika za diskusiju? Ukoliko nema, zaključujem raspravu te prijedloge zaključaka koalicione većine stavljam na glasanje. Da li ima potrebe da vam čitam ponovo ove prijedloge zaključaka koje je Musić iznio. Nema. Ukoliko nema, stavljam ih na glasanje, ko je za?

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza

Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Kenan Burić (NARIJED BH).

Glasalo protiv: Damir Bašić, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić (SDP).

Uzdržanih: Nema.

Predsjedavajuća Aida Bašić: Konstatujem da su prijedlozi koalicione većine dobili potrebnu većinu a sad sam Izvještaj stavljam na glasanje, ko je za?

Glasalo za: Damir Bašić, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić (SDP).

Glasalo protiv: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Kenan Burić (NARIJED BH).

Uzdržanih: Nema.

Predsjedavajuća Aida Bašić: Konstatujem da Izvještaj nije dobio potrebnu većinu. Prelazimo na 8 b) Program rada Javne ustanove „Dom zdravlja“ Maglaj za 2025. godinu. Predsjednik Upravnog odbora i dalje je sa nama. Ne znam ima li potrebe da se osvrnete. Ako želite izvolite.

Elvir Vehabović: Nisam konkretno upoznat o detaljima. Uglavnom Program rada dolazi što kaže odozgo s viših nivoa, gdje nam dostavljaju oni kao i svake godine gdje oni definišu naše obaveze i da mi moramo pružati zaštitu stanovništvu i to je to.

Predsjedavajuća Aida Bašić: Hvala lijepo. Evo otvaram raspravu, da li ima vijećnika za diskusiju? Ukoliko nema, zatvaram raspravu. Pauza na zahtjev Kluba SDA prije glasanja. Nakon pauze nastavljamo dalje, zaključila sam raspravu vezano za tačku 8 b) Program rada JU Dom zdravlja Maglaj za 2025. godinu stavljam na glasanje, ko je za?

Glasalo za: Damir Bašić, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić (SDP).

Glasalo protiv: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Kenan Burić (NARIJED BH).

Uzdržanih: Nema.

Predsjedavajuća Aida Bašić: Konstatujem da tačka nije dobila potrebnu većinu.

ZAKLJUČAK

8.1. Zadužuje se Upravni odbor Javne ustanove „Dom zdravlja“ Maglaj da u skladu sa zakonskim ovlaštenjima i procedurama hitno preduzme mjere u cilju stabilizacije prilika u Javnoj ustanovi, odnosno preispita rad menadžmenta i predloži rješenja;

8.2. Zadužuje se Upravni odbor Javne ustanove „Dom zdravlja“ Maglaj da Općinskom vijeću Maglaj u roku od 30 dana dostavi informaciju o preduzetim radnjama i prijedlozima za stabilizaciju rada ustanove;

8.3. Pozivaju se nadležne Općinske službe da u okviru svojih ovlaštenja prate stanje i pruže stručnu pomoć Upravnom odboru Javne ustanove „Dom zdravlja“ Maglaj u realizaciji ovih zaključaka;

8.4. Ne usvaja se Izvještaj o radu Javne ustanove „Dom zdravlja“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu;

8.5. Ne usvaja se Program rada Javne ustanove „Dom zdravlja“ Maglaj za 2025. godinu.

AD – 9: a) Izvještaj o radu Javne ustanove „Narodna apoteka“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu
b) Program rada Javne ustanove „Narodna apoteka“ Maglaj za 2025. godinu

Predsjedavajuća Aida Bašić: Prelazimo na tačku 9. Izvještaj o radu Javne ustanove „Narodna apoteka“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu. S nama su danas ako sam dobro vidjela direktorica i predsjednica Upravnog odbora. Arif Mujkanović se pridružio sjednici Općinskog vijeća i konstatujem da trenutno imamo 25 vijećnika. Da li je potreban uvodničar ili da li vam je potrebno uvodno obraćanje. Otvaram raspravu, vijećnik Salatović izvolite.

Vijećnik Edin Salatović: Ja vas sve selamim i pozdravljam. U okviru razmatranja Izvještaja o radu JU Narodna apoteka Maglaj Klub vijećnika SDA iznosi sljedeća pitanja i zapažanja a u cilju dobivanja potpunih informacija o radu ove ustanove. Pod jedan obnova mandata direktora, da li je u toku 2024. godine došlo do obnove trenutnog direktora ustanove, ukoliko jeste smatram da je riječ o važnoj upravljačkoj odluci koja je trebala biti navedena u Godišnjem izvještaju. Pod dva, u Izvještaju nismo pronašli podatak o raspisivanju konkursa za dodjelu stipendija učenicima, što je prethodnih godina bila praksa. Zbog čega ovaj konkurs nije proveden izvještajnog perioda. Pod tri kolika je ukupna površina prodajnog prostora Gradske apoteke. Također nas zanima koliki iznos zakupnine po m2 kako bi imali uvid u odnos između prostora i troškova najma. Smatram da su navedene informacije značajne za potpunije sagledavanje rada ustanove.

Predsjedavajuća Aida Bašić: Hvala lijepo. Da li ima još vijećnika za diskusiju? Koliko vidim nema, evo vijećnik Salatović je postavio pitanje. Kako želite da li direktorica, da li predsjednica možete odgovoriti svakako.

Lejla Insanić: Selamim i pozdravljam predsjedavajuću, dopredsjedavajuću, članove Općinskog vijeća i sve prisutne. U kratkom nekakvom osvrtu prva pitanje gospodina Salatovića je bila preskočila sam taj dio imenovanja. To je propust ne znam nisam smatrala konkurs da trebam napomenuti. Mada eto važna stvar jeste odrađen je i konkurs i Upravni odbor i imenovanje i svega toga. Primit ću to kao konstruktivan nekakav prijedlog za sljedeći Izvještaj kada se budu bilo kakve izmjene tog tipa da se navedu. Drugi je bio stipendije, ustavri prestale su da se prakticiraju dok nismo uspostavili Pravilnik o dodjeli stipendija. Tek sa uspostavom tog Pravilnika smo mogli raspisivati konkurs međutim s obzirom na finansijsku, da se mi samofinansiramo i da smo već imali zaposlene iz zapošljavanja preko zavoda Biroa, prethodne naše stipendiste smo zaposlili na godinu dana i onda smo plaćali refundirali sredstva i sufinansirali tako da smo taj predviđeni iznos sredstava koje bi mogli usmjeriti ka stipendijama potrošili na taj dio. S tim, počinje sada recimo planirali smo za sljedeću godinu da spomenemo tek od decembra, od oktobra upisne godine ko god se bude interesovao već su meni se javljali i bit će konkursna procedura koju će utvrditi Upravni odbor i taj dio, pa spram mogućih finansijskih mogućnosti ćemo taj dio i moći planirati. Treće je bilo vezano za površinu prostora. Ja sam to već u nekoliko navrata sam ja to već slala te podatke. Ja ću to pismeno ponovo preusmjeriti, ovaj put znam da ste mi jednom insistirali da mi smo zbirno za čitavu ustanovu a zanimalo vas je koliko pojedinačno ne znam svaki teren i sve to. U dva navrata od dva izvještaja sam ja slala vama možda nije u ovom sazivu bilo to dostupno vama ali uglavnom i to ćemo odraditi. Ukupna površina ne znam napamet, uglavnom tereni koje mi pokrivamo mjesne zajednice odlučuju taj dio i mi učestvujemo nekakav dio, iskreno rečeno nama je sve namet, troška ali eto na taj način pomažemo i mjesnim zajednicama da plaćanjem tog najma i struje pomognemo i našim prisustvom i što smo tu na usluzi našim pacijentima da i na taj način pomognemo mjesnim zajednicama. Prostor u Domu zdravlja je prostor ministarstva i oni diktiraju tu cijenu u ugovoru koji smo imali. Ja sam slala čak i vama sve ugovore o zakupu, svakog pojedinačnog prostora koji imamo. Prostor u Šeheru smo pod zakupom od Doma zdravlja. Tako da i tu odradujemo ono što nam je rečeno a u gradu je mislim 140 kvadrata. Tako da ću ja dodatno te neke pojasniti koliko košta koji prosot i kolika je kvadratura u pismenoj formi. To što se toga tiče. Ja bih voljela da je neko možda i spomenuo da su i zadovoljni našim uslugama, s obzirom da smo samofinansirajući i da smo pokrivamo širok raspon naših depoa koji su nam uglavnom

nerentabilni. Taj dio pokrivamo čisto da izađemo u susret lokalnoj zajednici koju i mi činimo dio. Malo će sada biti problematično i organizovanje s obzirom na rad tih depoa i terena, tako da i da zapošljavamo mlade ljude. Mi smo svake godine evo koliko sam ja 4 godine mandata imali sem redovnih svojih zaposlenika imali smo po 2 do 3 čak i 4 sufinansirajuće ljude kojima smo mi bili mentori i obučili, sticanje licence i mogućeg ostvarivanja dalje profesionalne karijere. Tako da sam nadala se da ćet možda i to spomenuti neko i sa pozitivne strane. Nadam se da su brojke sasvim dovoljni pokazatelji, pogovoto u trendu javnih ustanova apoteka širom BiH su u poprilično teškoj situaciji jer konkurnecija nelojalna, sva moguća zakonska legilastiva koju mi moramo ispoštovati koju su privatnici ipak pošteđeni do velike mjere tako da i ovaj nekakav pozitivan rezultat kamo sreće da je i veći, da možemo neke druge stvari koje smo i zamislili, imamo stalno u planu i u projektu da možemo ležernije da odrađujemo. Zahvalila bih vam se što ste me sasušali.

Predsjedavajuća Aida Bašić: Hvala direktorice. Ukoliko bude još pitanja pozvat ćemo Vas ponovo. Da li ima još vijećnika za diskusiju? Ukoliko nema, zaključujem raspravu, te tačku a)stavljam naglasanje, ko je za?

Glasalo za: Damir Bašić, Arif Mujkanović, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić(SDP), Kenan Burić (NARIJED BH).

Glasalo protiv: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA).

Uzdržanih: Nema.

Predsjedavajuća Aida Bašić: Konstatujem da Izvještaj nije dobio potrebnu većinu. Prelazimo na 9 b)Program rada JU "Narodna apoteka"Maglaj za 2025.godinu. Otvaram raspravu. Da li ima vijećnika za diskusiju? Nema, zatvaram raspravu te tačku 9 b)stavljam na glasanje, ko je za?

Glasalo za: Damir Bašić, Arif Mujkanović, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić(SDP), Kenan Burić (NARIJED BH).

Glasalo protiv: Nema.

Uzdržanih: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA).

Predsjedavajuća Aida Bašić: Konstatujem da Program rada nije dobio potrebnu većinu.

ZAKLJUČAK

9.1. Ne usvaja se Izvještaj o radu Javne ustanove „Narodna apoteka“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu;

9.2. Ne usvaja se Program rada Javne ustanove „Narodna apoteka“ Maglaj za 2025. godinu.

AD –10: a) Izvještaj o radu Javne ustanove „Narodna biblioteka“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu

b) Program rada Javne ustanove „Narodna biblioteka“ Maglaj za 2025. godinu

Predsjedavajuća Aida Bašić: Prelazimo na tačku 10 a) Izvještaj o radu Javne ustanove „Narodna biblioteka“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu. Direktorica Nina Salkić Bunjevac je danas sa nama, da li je potrebno da nam se

obratiti kao uvodničar? Nije. Otvaram raspravu, da li ima vijećnika za diskusiju? Ne javlja, zatvaram raspravu te Izvještaj stavljam na glasanje, ko je za?

Glasalo za: Damir Bašić, Arif Mujkanović, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić(SDP), Kenan Burić (NARJED BH).

Glasalo protiv: Nema.

Uzdržanih: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA).

Predsjedavajuća Aida Bašić: Konstatujem da Izvještaj nije dobio potrebnu većinu. Prelazimo na 10 b) Program rada JU „Narodna biblioteka“ Maglaj. Otvaram raspravu, da li s eneko javlja za riječ? Ne javlja, zatvaram raspravu te Program rada stavljam na glasanje, ko je za?

Glasalo za: Damir Bašić, Arif Mujkanović, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić(SDP), Kenan Burić (NARJED BH).

Glasalo protiv: Nema.

Uzdržanih: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA).

Predsjedavajuća Aida Bašić: Konstatujem da Program rada nije dobio potrebnu većinu.

ZAKLJUČAK

10.1. Ne usvaja se Izvještaj o radu Javne ustanove „Narodna biblioteka“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu;

10.2. Ne usvaja se Program rada Javne ustanove „Narodna biblioteka“ Maglaj za 2025. godinu.

AD –11: a) Izvještaj o radu Javne ustanove Dom kulture „Edhem Mulabdić“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu
b) Program rada Javne ustanove Dom kulture „Edhem Mulabdić“ Maglaj za 2025. godinu

Predsjedavajuća Aida Bašić: Prelazimo na tačku 11a) Izvještaj o radu Javne ustanove Dom kulture „Edhem Mulabdić“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu. Otvaram raspravu, direktorica je sa nama, da li je potrebno da se obrati? Nije, da li se neko javlja za riječ? Vijećnik Burić izvolite.

Vijećnik Kenan Burić: Još jednom vas sve pozdravljam. Ja imam par pitanja za direktoricu vezano za Sportsku dvoranu Maglaj, interesuje me da li i ma neki plan rekonstrukcije same dvorane jer znamo da dvorana nije baš u nekom idealnom stanju. Imamo prokišnjavanje krova, voda znači pada na parket. Imamo prokišnjavanje u teretani. Što se tiče grijanja zimi stvarno je u lošem stanju. Dosta sporskih kolektiva se žale na grijanje dvorane. Sada u zadnje vrijeme kako su ove temperature porasle termini u dvorani nisu uslovi idealni za termine igranja fudbala, rukometa, košarke. Stvarno je prevruće. Šta će se raditi na načinu da se zimi poboljša grijanje, ljeti da se ventilacije ili klime na nečemu da se radi da se poboljšaju sami uslovi treniranja sportskim kolektivima. Što se tiče teretane, pošto sam ja član, mene zanima kada će se raditi obnova sprava u teretani. Pošto imamo dosta sprava koje su takoreći neispravne od klupa, bučica, kolutova za

treniranje, krivih šipki, stolica gdje se dešavalo da pojedinim članovima teretane kada rade klupa spadne ili na nogu ili padnu sami. Svlačionice, tuševi u svakoj svlačionici su loši, ne može se istuširati. Glave tuševa odvojene su, jedno vrijeme su spadale kada se tušira. Dvorana nije u nekom idealnom stanju. Za ono što se plaća u teretani uslovi su loši. Ja razumijem da vi morate poskupiti usluge zbog svih ovih stvari ali mislim da treba imati neko obrazloženje zašto se to radi. Ako može da mi odgovori.

Predsjedavajuća Aida Bašić: Hvala lijepo. Da li ima još vijećnika za diskusiju? Ukoliko nema zamolit ću direktoricu da odgovori na postavljena pitanja.

Rašida Muhić: Sve vas selamim i pozdravljam. Svako pitanje je na mjestu znači sve je ovo uredu i svi oni koji znaju malo dublje rad dvorane znaju da je dvorana ružna riječ ali rupa bez dna. U svakom vremenu u kojem smo bili da je to tako, mi kao javna ustanova zaista nikad ne možemo ni konkurisati za neke projekte te vrste da mi opremimo dvoranu. To mora osnivač uraditi i onda radimo već smo s načelnikom i razgovarali i sa službom da se jedan način imamo mogućnost pisanja projekta. Što se tiče ove teretane Damir ima i bolje podatke može on odgovoriti o teretani šta je sve ali radimo sve na tome da kupimo nove sprave ali i ove isto se čekaju na servis. Možda ćeš ti to Damire bolje oko teretane a znači sama ustanova ne može to sve raditi. Ovo što se tiče čistoće kad bih vam pokazala račune naših sredstava koje kupujemo, koje radimo, opremanja kod Hunte tamo šta sve kupujemo od materijala. Znači, mora se definitivno raditi da i sportski klubovi i pojedinci koji dolaze imaju nekakav kako bih rekla moralno postupanje tamo, kućni red koji niko ne poštuje. Da vidite vi na kamerama šta rade pojedinci, to je strašno. Svi oni koji imaju teretane tako, toliko je to razbijanje, toliko je divljanja. Ne možemo, jednostavno nema sredstava koja mogu pokriti taj takav. 150.000 ljudi dvoranom prođe, šta da vam kažem. U kući 5 ljudi pa imate čišćenja a ovo znači sve stoji. Sve što možemo radimo, više ne možemo ako nemamo para to je nešto što je, činimo sve ono što je sva ova naša finansijska sredstva koja kupimo tamo za održavanje dvorane su pokazatelji da mi ulažemo što možemo a ovo bi trebala rekonstrukcija i prokišnjavanje to je već zadatak koji nije na našem nivou i koji mora neko drugi odraditi i to je ono što sada mogu reći.

Predsjedavajuća Aida Bašić: Hvala lijepo. Vijećnik Burić izvolite.

Vijećnik Kenan Burić: Samo me zanima prihodi od teretane koliki su jer vidim da nisu navedeni tamo u Izvještaju i napisani. Samo imaju prihodi i razhodi ali nisu navedeni koliko je od koga prihoda. Samo me to zanima.

Rašida Muhić: To je ono u startu gdje su vlastiti prihodi. Imamo prihode od teretane koji znate kolika je cijena da je to vrlo malo, nama ne pokriva to sve ono što mi možemo pokriti..

Predsjedavajuća Aida Bašić: Vijećnik Bašić možete pomoći pri odgovoru svakako.

Vijećnik Damir Bašić: Pozdravljam sve prisutne. Igrom slučaja pošto sam upravnik dvorane mogu kolegi Kenanu odgovoriti adekvatno na njegova postavljena pitanja. Ovako, vezano što se tiče same dvorane ovaj ne znam sada stručno kako da nazovem na krovu se nalazi što se tiče borilišta to jeste parketa, nalazi se lepenka i sami znate da to od vremenskih neprilika to jeste sunca i leda i snijega, ta lepenka se troši. Ta lepenka košta otprilike nekih 40-50 hiljada da se pokrije čitava dvorana. Ona je dotrajala, poslije poplave mislim da se nije radila, da se nije renoviralo a i ako jeste 10 godina je prošlo što je njen rok trajanja već gotov. Ja ne bih sada da nešto govorim ali poslije svake kiše ne znam da li ste upućeni, bukvalno ja se penjem svaki put na krov. To govorim kako mi u dvorani radimo svako svačiji posao, tako da to nije nikakav problem niti je koga stid niti se treba toga stiditi. Postavljamo kante, iznosimo tu vodu, presipamo. Narodski kuburimo s tim krovom jer nemamo sredstava. Ja kao upravnik dvorane obavijestim svaki put uredno svoju direktoricu i Upravni odbor o tim problemima i tim nedostacima koji se dešavaju. Što se tiče krova svakako da bi bilo dobro da se zaštiti krov kako ne bi parket stradao jer mi svake godine taj parket moramo na mjestima da brusimo zbog te vode koja ošteti. Sljedeća stvar pošto je dvorana prenatrpana školom do 4 sata, od 4 sata kreću rekreacije i treninzi koji traju do 10-11

naveče. To je jako teško stići upaliti mašinu koja može da skine ljepljivo sa parketa. Govorim za rukomet, oni svakako moraju to da koriste i to je uredu, to niko ne spori ali je problem skinuti na to ljepljivo se onda lijepi prašina koja izgleda da je parket crn i stvara nam velike probleme. Sada je škola završena i evo od prije dva dana smo krenuli da čistimo parket, taj parket se dovede u prvobitno stanje i nema nikakvih problema. Prošle godine smo kupovali nekakvo mlijeko za zaštitu parketa pa da ga zaštitimo i ono bukvalno se trudimo da uložimo u taj parket jer je on u dvorani i najvrijedniji. Golovi koji su od elana evo koje smo preko rukometnog kluba koje smo uradili su i od škole i od korištenja rekreacija i svih sportskih klubova pokvareni. Ti golovi su 8.000 maraka. Dom kulture koliko sam ja upućen nije u situaciji da kupi te golove. Mi smo evo te golove skinuli, nosimo ih na popravke i vraćamo ponovo u dvoranu. Što se tiče tuševa i toga, svake godine mijenjamo. Prošle godine prije sezone smo zamijenili bukvalno sve te tuševe. Mi ne možemo uticati i ući dok je škola i klubovi u svlačionicu ne smijemo to raditi da vidimo šta rade. Bukvalno znamo kad dođe vrijeme, kada škola završi ili treninzi uđemo u svlačionicu, tek tada vidimo taj nered koji su napravili i odvrtali one ruže gore na tuševima, kvarili namjerno iz kojih razloga mi zaista ne znamo. Znaju čak i zapaliti cigru u svlačionici što je stvarno ali ne možemo ući u trag nikad tim stvarima. Pokušavam ići redoslijedom kroz dvoranu pa nisam još stigao. Evo kao što je direktorica rekla otprilike 150.000 ljudi prođe na godišnjem nivou kroz dvoranu i nekih 500 dnevno kada je škola i da izvinete da 20 % ide u wc to je katastrofa. Nedostatak je radnika definitivno koji tamo rade svih nas zajedno. Kada dođe sezona loženja i to nam je problem, svi pomažemo jedni drugima i oko loženja uglja tamo ovamo. Zaista ima previše tih nekih što ste vi naveli problema na koje nam je teško odgovoriti ali jedva čekamo vjerujte da dođe i ovaj period da krenemo s generalkom. Mi sami sebi i krećimo poslije sezone. Što se tiče ulaganja u dvoranu pisali smo raznorazne projekte evo pošto sam ja u košarkaškom klubu moram se pohvaliti da smo preko kluba prema Federalnom ministarstvu napisali i za ove glavne koševе na centralnom terenu zamjenu, da smo u dva navrata tribine zamijenili sa sjedalicama. Da smo od košarkaškog kluba moram reći poklonili 1/3 teretane Domu kulture. Također rukometni klub pohvalio bih za prošlu godinu jer smo zajedno kroz jedan projekat napisali i dobili dvije sprave za ovu teretanu. Što se tiče teretane evo pošto ideš tamo pa znaš u kakvom je stanju dvije trake koje su stale za trčanje, samo imamo dvije trake ja ti mogu pokazati na telefonu. Znači mi zovemo taj servis od koji smo kupili jer ne znamo popraviti tu elektroniku, zvali smo par puta ove lokalne ovdje da nam pogledaju te trake nisu mogli popraviti. Tek nakon 2 mjeseca su jučer ujutro došao serviser i skinuo elektroniku sa trake i odnio tamo. Predložili smo da vide da li nam mogu uzeti te dvije trake u račun, da nam daju neku ponudu za neke druge dvije koje su bolje. Što se tiče tih ostalih sprava zaista svaki put kada ode sajla ili nešto što mi znamo popraviti, mi popravimo. Kada ode sjedalica na klupi gdje dole idu šarafi, zatražimo novu oni nemaju na stanju i onda napravi se problem. Nikad ne možemo da dobijemo u momentu kada tražimo servis ili nešto da nam odgovore da dobijemo odgovor ili da nam dođu odmah i servisiraju. Tako da evo trudimo se prošle godine smo sa rukometnim klubom realizovali taj projekat dvije sprave, ja svaki put svoju direktoricu obavijestim o stanju da li se nešto pokvarilo ili napravilo. U sve je upućena. Što se tiče zarade od teretane, otprilike u periodu kad se trenira, ti znaš da se ljeti trenira manje ali u ovom nekom periodu kada ja navala bude negdje oko 2000 do 2500 maraka zarade i plus oni proteini što se prodaju, to jeste napitci tamo od njih imamo 20 % rabata. Ovo vam govorim sve otvoreno znači, 20 % rabata. Top bude negdje oko 500 maraka. Znači 100 maraka nam ostaje od tih proteina. To je to, ako sam dovoljno odgovorio. Ti slobodno postavi pitanje još.

Predsjedavajuća Aida Bašić: Hvala Damire, vijećnik Abdurahmanović izvolite.

Vijećnik Adis Abdurahmanović: Ja se zahvaljujem prvenstveno kolegi Buriću što je inicirao ovo i upoznao nas sa problemima tamo. Također i kolegi Bašiću što je to opširno obrazložio kao upravnik. U Izvještaju sve je lijepo navedeno što se tiče dvorane i ja bih želio to pročitati pa onda

postaviti 2-3 pitanja nadam se da će kolega odgovoriti. Ovdje je rečeno u 2024. godini u dvorani održano je 250 rekreacija. To jeste boravilo je oko 4000 rekreativaca. Dok je u teretani korišteno oko 15.000 treninga i isto toliko osoba. Zaključak je da je u 2024. godini u dvorani boravilo preko 19.000 rekreativaca. Klubovi u 2024. godini održali su 800 treninga sa oko 16.000 sportaša. Održano je 3042 časa, sa oko 50.000 učenika. Odigrano je 188 utakmica, prosjek oko 70 osoba ukupno za vrijeme utakmica bilo je prisutno oko 16.000 ljudi. U 2024. godini dvoranu je posjetilo više od 150.000 osoba. Odlični podaci znači što se tiče toga, međutim možete li mi odgovoriti na pitanje pošto ovdje ja sam u Izvještaju tražio i nisam našao konkretno samo od dvorane. Koliki su prihodi bili u 2024. godini i pitam se da li se mogao dio sredstava ili ta sredstva usmjeriti za ove probleme koje ste vi naveli. Zaista su problem. Koliki su konkretno komercijalni prihodi koje je dvorana u toku godine prikupila, kolika je bila tranša iz općine u toku 2024. godine na ime održavanja dvorane. Ako može, bio bih zahvalan.

Predsjedavajuća Aida Bašić: Hvala Adise, Damire izvolite.

Vijećnik Damir Bašić: Pošto ja nisam član Upravnog odbora, tu je kolega Jasmin Bilić, kao što se pohvalili prvi dio koliko dolazi korisnika dvorane to je Izvještaj moj kao upravnika i ja imam svoj mjesečni Izvještaj koji predam svojoj direktorici svaki mjesec. Svaki mjesec predam koliko je bilo časova, koliko utakmica, koliko treninga kolika je bila posjeta, koliko je bilo korisnika u teretani jer vodim evidenciju svaki dan bukvalno i na osnovu toga se dode do tih podataka koliko je čega bilo. Ja bih sada zamolio kolegu Jasmina da on kaže te podatke pošto ja trenutno nemam kod sebe jer nisam član Upravnog odbora.

Predsjedavajuća Aida Bašić: Hvala Damire, to je razumljivo svakako ispred Upravnog odbora treba se obratiti ili direktorica svakako.

Vijećnik Adis Abdurahmanović: Pošto nema u Izvještaju ovih podataka ako nemate sad trenutno tačnih podataka a vidim nemate, volio bih da nam to pripremite pisanim putem jer ipak kako reče kolega Damir on je to odgovorno vodio, predavao i mislim da je ovo trebalo da se nađe u Izvještaju.

Predsjedavajuća Aida Bašić: Hvala Adise. Direktorica će svakako da još upotpuni odgovor.

Rašida Muhić: Ono što mogu, znači naši vlastiti prihodi to je taj kad je dvorana. Ne vodi se kao poseban objekat, on je u sastavu nas i mi tako vodimo to zajedno. Pripremit ćemo i sada šta je bilo a što se tiče davanja za sportske klubove, to je 2500 mjesečno i prošle godine i ove godine. Naš Izvještaj je za te sportske klubove je oko 3500 do 4500 mjesečno. Znači toliko nam je u minusu. Ostale podatke ćete dobiti.

Predsjedavajuća Aida Bašić: Hvala lijepo. Vijećnik Šehić izvolite.

Vijećnik Senad Šehić: Pošto prvi put izlazim koristim priliku da vas sve pozdravim. Nisam imao namjeru se javljati za riječ ali evo pošto smo otišli u jednom smjeru koji se očigledno zove Izvještaj o radu sportske dvorane, ja ću se eto malo fokusirati i na kulturu. Ono što je primarna djelatnost ove ustanove i zaista kako da kažem čestitati i pohvaliti za sve ovo što radite. Dakle, prije svega imamo kino na koje možemo biti zaista ponosni na svjetske projekcije ovdje koje imamo, filmove koje premijerno gledamo. Znam iz pouzdanih izvora i razgovora sa drugim ljudima evo imam priliku da radim na tešanjskoj općini. Mnogi su ljubomorni na naše kino, na projekcije koje se realizuju i zaista sve čestitke na tome. Možemo biti ponosni na naše kino i na sve veći broj predstava koje se dešavaju u posljednje vrijeme a zaista i za to pohvale. Tako da evo ja samo toliko, da na polju kulture da vam čestitam na svemu što radite. Ja sam zadovoljan radom direktorice, baš kao i direktorice Narodne biblioteke dakle vi kao vas dvije ustanove kao nosioci, kao stubovi kulture u ovom gradu zaista nemam nikakve zamjerke. Sve čestitke za ono što radite i evo barem u moje lično ime puna podrška.

Predsjedavajuća Aida Bašić: Hvala lijepo, da li ima još vijećnika za diskusiju? Vijećnik Arif izvolite.

Vijećnik Arif Mujkanović: Upravo kao što je kolega Šehić rekao ne bih mogao da propustim da ne kažem iste te riječi. Zaista moramo se sjetiti da je i Narodna biblioteka bila organizator raznih događaja koji su zaista prepoznati u cijelom region i gdje su bile sve pohvale na rad te iste ustanove a također Festival Studentskog ljeta u proteklom period se uspio vratiti na velika vrata i svjedoci smo da su predstave Studentskog ljeta bile posjećene u čitavom region i šire. U svakom slučaju podrška i čestitke na zalaganju i trudu obe direktorice. Hvala.

Predsjedavajuća Aida Bašić: Hvala lijepo. Ukoliko nema više vijećnika za diskusiju zaključila bih rasprava za tačku 11 a) Izvještaj o radu Javne ustanove Dom kulture „Edhem Mulabdić“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu. Ko je za?

Glasalo za: Damir Bašić, Arif Mujkanović, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić(SDP), Kenan Burić (NARIJED BH).

Glasalo protiv: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA).

Uzdržanih: Nema.

Predsjedavajuća Aida Bašić: Konstatujem da Izvještaj nije dobio potrebnu većinu. Prelazimo na 11 b) Program rada Javne ustanove Dom kulture „Edhem Mulabdić“ Maglaj za 2025. godinu, otvaram raspravu. Da li se neko javlja za riječ? Ukoliko nema vijećnika za diskusiju? Zatvaram raspravu te Program rada stavljam na glasanje, ko je za?

Glasalo za: Damir Bašić, Arif Mujkanović, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić(SDP), Kenan Burić (NARIJED BH).

Glasalo protiv: Nema.

Uzdržanih: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA).

Predsjedavajuća Aida Bašić: Konstatujem da Program rada nije dobio potrebnu većinu.

ZAKLJUČAK

11.1. Ne usvaja se Izvještaj o radu Javne ustanove Dom kulture „Edhem Mulabdić“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu;

11.2. Ne usvaja se Program rada Javne ustanove Dom kulture „Edhem Mulabdić“ Maglaj za 2025. godinu.

AD – 12: a) Izvještaj o radu Javne ustanove „Centar za socijalni rad“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu.
b) Program rada Javne ustanove „Centar za socijalni rad“ Maglaj za 2025. godinu

Predsjedavajuća Aida Bašić: Prelazimo na tačku 12a) Izvještaj o radu Javne ustanove „Centar za socijalni rad“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu. Direktorica je tu sa nama i predsjednica Upravnog odbora također. Otvaram raspravu i da li nam je potrebna uvodna riječ? Nije, vijećnica Mustabašić se javlja za riječ, izvolite.
Vijećnica Armina Mustabašić: Prije svega želim sve da srdačno poselamim i pozdravim. Što se tiče ove tačke Dnevnog reda Klub vijećnica SDA neće poržati Izvještaj o radu JU „Centar za

socijalni rad" Maglaj za 2024. godinu, s obzirom na to da prethodno rukovodstvo ustanove uprkos zabrinjavajućim statistikama i negativnim pokazateljima nije poduzelo adekvatne i preventivne mjere kako bi se smanjio broj korisnika socijalne zaštite. Svjedoci smo stalnog rasta broja korisnika kako u segmentu socijalne, tako i porodične zaštite dok je djelovanje na prevenciji i spriječavanju negativnih društvenih pojava bilo izuzetno slabo ili gotovo nepostojeće. Odmah ću se nadovezati i na Program rada, što se tiče Programa posebno ističemo predviđeno formiranje koordinacionog tijela koje smatramo značajnim korakom ka efikasnim suzbijanju porodičnog nasilja i jačanje sistemske podrške najugroženijim kategorijama. Upravo zbog postojanja jasnog plana konkretne aktivnosti koje nude perspektivu napretka Klub vijećniak SDA će podržati Program rada za 2025. godinu. Hvala.

Predsjedavajuća Aida Bašić: Hvala lijepo. Da li se neko još javlja za riječ? Send Šehić izvolite.

Vijećnik Senad Šehić: Čitajući Izvještaj izgleda da je to kako se i čini djelovao odgovorno i efikasno i u skladu sa zakonom. Na kraju krajeva u skladu sa vašim kapacitetima. Znamo za nedostatak socijalnih radnika a problemi nagomilani i aktuelne teme o tome može i par riječi reći sama predsjednica Upravnog odbora. Ja bih evo istakao jednu stvar a to je ukidanje naplate za postupak posredovanja čime je Maglaj postao primjer pozitivne prakse u FBiH jer dok se u mnogim općinama razvod ne može ni započeti bez novca u Maglaju je omogućeno besplatna dostupnost ovog prava što je prepoznato i pohvaljeno od strane nadležnih institucija, nevladinog sektora, javnosti itd. Nažalost nasilje je besplatno ali izlazak iz nasilja često nije. U praksi taj postupak se plaća ako sam ja dobro informisan od 100 do 1000 maraka može koštati. U nekim općinama se ta mogućnost i ne obavlja, ne pruža. Ono što zabrinjava naravno podaci na terenu ukazuju ponovo povećan broj slučajeva porodičnog nasilja, tako da evo ono što smo mogli i zaključiti iz Izvještaja jedan od glavnih problema je taj nedostatak većeg broja socijalnih radnika pa se evo nadam da će se i taj problem riješiti i naravno ovo što se ponovo fokusira da se hitno pokuša formirati koordinaciono tijelo, multisektorski tim za prevenciju i zaštitu od nasilja u porodici. Hvala.

Predsjedavajuća Aida Bašić: Hvala lijepo. Da li ima još vijećnika za diskusiju? Ukoliko nema zaključujem raspravu te Izvještaj stavljam na glasanje. Ko je za?

Glasalo za: Damir Bašić, Arif Mujkanović, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić (SDP), Kenan Burić (NARIJED BH).

Glasalo protiv: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI),

Uzdržanih: Nesib Serhatlić (PDA)

Predsjedavajuća Aida Bašić: Konstatujem da Izvještaj nije dobio potrebnu većinu. Prelazimo na 12. b) Program rada Javne ustanove „Centar za socijalni rad“ Maglaj za 2025. godinu. Otvaram raspravu. Vijećnica Maida Burajić izvolite.

Vijećnica Maida Burajić: Selamim i pozdravljam sve prisutne. Naime u okviru Programa predviđeno je da se osigura angažman psihologa koji je ključan za rad i funkcionisanje ove ustanove, također bez psihologa nije moguće pokrenuti ni bračno i porodično savjetovanje koje je od izuzetne važnosti za prevenciju i rješavanje porodičnih i socijalnih problema u našoj zajednici stoga apelujem da se planira popunjavanje ovog stručnog kadra. Hvala.

Predsjedavajuća Aida Bašić: Hvala lijepo. Da li ima još vijećnika za diskusiju? Vidim nema, predsjednica Upravnog odbora se javila za riječ izvolite.

Mubera Havić: Sve vas pozdravljam. Pošto mi je mandat pri kraju da se obratim i samo da vam kažem pošto nije usvojen Izvještaj, 8 ljudi, 8 ljudi rade na svemu, pa ne mogu suzbiti nasilje, ne mogu suzbiti razvode sve veći veći broj je razvoda. Ne mogu maloljetničku delikvenciju suzbiti ali se bore sa tim i tim, toliko se bore njih 8. Dva pravnika, dva socijalna radnika, jedna je sekretar i imamo pomoćnog radnika koji je i vozač i sve što treba i njima svaka čast. Ja sam se uvjerila obično kažu šta rade oni u Centru. Koja samo sila para prođe ili novca kroz taj Centar. Toliko se

svi trude da odrade taj posao, da što više odrade, nego se potrudite ti eto u mandatu ste da povećate Budžet i da se zaposle ljudi koji će pomoći ovim ljudima koji sada rade da se odradi i da se digno to na veći nivo. Tek onda možemo pričati da smo uspjeli nešto suzbiti s tim da se razgovara. Svaki put ja sam u školi kad god između djece dođe mali nekakav incident ili nešto svaki put mora doći socijalni radnik. To može bit svaki dan a mi imamo samo dva na čitavoj općini. Pa eto malo razmislite o tome. Hvala.

Predsjedavajuća Aida Bašić: Hvala predsjednici. Ukoliko više nema vijećnika za diskusiju, zaključujem raspravu i tačku stavljam na glasanje, ko je za?

Glasalo za: Damir Bašić, Firuz Galijašević, Samir Fetić, Eldin Mehinagić, Almin Smailović, Adin Obralić, Selver Mahmić, Jasmin Đuhera, Senad Šehić (SDP), Kenan Burić (NARIJED BH), Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Muštafa Mehmedović (BH ZELENI), Nesib Serhatlić (PDA).

Glasalo protiv: Nema.

Uzdržanih: Nema.

Predsjedavajuća Aida Bašić: Konstatujem da je tačka dobila potrebnu većinu. Arif Mujkanović van sale za vrijeme glasanja.

ZAKLJUČAK

12.1. Ne usvaja se Izvještaj o radu Javne ustanove „Centar za socijalni rad“ Maglaj sa finansijskim pokazateljima utroška sredstava iz Budžeta Općine Maglaj za 2024. godinu;

12.2. Usvaja se Program rada Javne ustanove „Centar za socijalni rad“ Maglaj za 2025. godinu.

AD – 13: Izvještaj o radu Javne ustanove „Dječiji vrtić“ Maglaj za 2024. godinu sa finansijskim pokazateljima

Predsjedavajuća Aida Bašić: Prelazimo na tačku 13 a to je Izvještaj o radu Javne ustanove „Dječiji vrtić“ Maglaj za 2024. godinu sa finansijskim pokazateljima. Otvaram raspravu, direktorica ustanove danas sa nama. Da li ima vijećnika za diskusiju? Vijećnica Maida Burajić izvolite.

Vijećnica Maida Burajić: Finansijski izvještaj pokazuje da je ova ustanova 2024. godinu završila sa negativnim rezultatom, odnosno viškom razhoda u odnosu na prihode u odnosu od 10.484,00 KM što ukazuje na njeno negativno poslovanje i ukazuje potrebu za povećanjem dodatnih mjera kontrole troškova sredstava ili povećanjem prihoda. Ponavljaju se isti problemi koji su bili i ranijih godina. Stoga, Klub vijećnika SDA neće podržati ovaj Izvještaj.

Predsjedavajuća Aida Bašić: Hvala lijepo, da li ima još vijećnika za diskusiju? Vijećnik Bašić izvolite.

Vijećnik Damir Bašić: Klub SDP-a će podržati ovaj Izvještaj jer je plan odlično isplaniran, deficit koji se stvorio kako se vidi u Izvještaju je od toga da korisnici koji koriste usluge vrtića nisu boravili tu i samim tim se nije naplatilo, to jeste tih 10.000 kojih je u deficitu vrtić je od nenaplate od korisnika. Samim tim, kako je stajalo u osnivačkom aktu, osnivač je bio dužan pokriti taj deficit i prethodnih godina ne samo te, no međutim na nekoj od prethodnih sjednica smo izmijenili osnivački akt i osnivač više nije odgovoran za defit. To govorim za 2025. godinu, za 2024. godinu već su i prije i ranije osnivač je bio dužan da pokrije te gubitke. Važno je napomenuti da je u prethodnom periodu Upravni odbor svaki izvještaj usvojio te ministarstvo također je ocjenjivalo javnu ustanovu sa maksimalnim brojem bodova. Hvala.

Predsjedavajuća Aida Bašić: Hvala lijepo. Da li ima još vijećnika za diskusiju? Vijećnica Hadžić izvolite.

Vijećnica Aida Hadžić: Evo i u ovom slučaju želimo da zadužimo Upravni odbor da u skladu sa zakonskim ovlaštenjima i procedurama poduzme potrebne mjere za stabilizaciju prilika u ustanovi.

Da se preispita rad menadžmenta predlože odgovarajuća rješenja za prevazilaženje ovakvih problema. Zadužuje se Upravni odbor da Vijeću u roku od 45 dana od dana održavanja ove sjednice dostavi informaciju o poduzetim radnjama i prijedlozima za stabilizaciju rada ustanove.

Predsjedavajuća Aida Bašić: To je prijedlog zaključka, hvala lijepo. Evo prije glasanja direktorica se javila za riječ. Direktorice izvolite.

Kanita Bašić: Sve vas srdačno pozdravljam, zahvaljujem na konstruktivnim prijedlozima i pohvalama. Što se tiče ovog posljednjeg zaključka ja bih vas zamolila s obzirom da mi evo trenutno radimo bez Upravnog odbora, znate da je u procesu javni oglas za upražnjena mjesta. Zamolila bih vas da taj rok bude možda malo veći jer nećemo stići odgovoriti možda ne znam kako će se situacija odvijati, pa evo. S obzirom, da mi imamo već neke stvari koje moramo uskladiti od prethodnih zaključaka nismo ih uskladili rok nam već ide, mislim da nećemo moći uskladiti sve sa pravilima i ono od prethodnih zaključaka što se već provodilo na ranijim sjednicama. Hvala.

Predsjedavajuća Aida Bašić: Hvala direktorice. Evo ukoliko nema više vijećnika za diskusiju, prije zaključenja rasprave, pauza na zahtjev koalicijsne većine. Nastavljamo dalje, vijećnica Hadžić se javila za riječ izvolite.

Vijećnica Aida Hadžić: Zbog sugestije direktorice koja je opravdana ja ću ponovo pročitati zaključak sa određenim izmjenama. Zadužuje se Upravni odbor da u skladu sa zakonskim ovlaštenjima i procedurama poduzme mjere u cilju stabilizacije prilika u Javnoj ustanovi „Dječiji vrtić“ Maglaj, odnosno preispita rad menadžmenta i predlože odgovarajuća rješenja. Zadužuje se Upravni odbor Javne ustanove „Dječiji vrtić“ Maglaj da Općinskom vijeću Maglaj u roku od 45 dana od dana održavanja konstituirajuće sjednice Upravnog odbora dostavi informaciju o poduzetim radnjama i prijedlozima za stabilizaciju rada Ustanove. Pozivaju se nadležne Općinske službe da u okviru svojih ovlaštenja prate stanje i pruže stručnu podršku Upravnom odboru.

Predsjedavajuća Aida Bašić: Hvala lijepo, sada je puno jasnije. Da li ima više vijećnika za diskusiju? Ukoliko nema zaključujem raspravu i prijedlog zaključka koji je gospoda Hadžić iznijela stavljam na glasanje, ko je za?

Glasalo za: Kenan Burić (NARIED BH), Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELEN), Nesib Serhatlić (PDA).

Glasalo protiv: Damir Bašić, Arif Mujkanović, Firuz Galijašević, Samir Fetić, Eldin Mehinagić, Alimin Smailović, Adin Obralić, Jasmin Đuhera, Senad Šehić (SDP)

Uzdržanih: Nema.

Predsjedavajuća Aida Bašić: Konstatujem da je prijedlog dobio potrebnu većinu, Selver Mahmić van sale za vrijeme glasanja. Sada stavljam na glasanje sam Izvještaj, ko je za

Glasalo za: Damir Bašić, Arif Mujkanović, Firuz Galijašević, Samir Fetić, Eldin Mehinagić, Alimin Smailović, Adin Obralić, Jasmin Đuhera, Senad Šehić (SDP)

Glasalo protiv: Kenan Burić (NARIED BH), Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELEN), Nesib Serhatlić (PDA).

Uzdržanih: Nema.

Predsjedavajuća Aida Bašić: Konstatujem da Izvještaj nije dobio potrebnu većinu.

ZAKLJUČAK

13.1. Zadužuje se Upravni odbor Javne ustanove „Dječiji vrtić“ Maglaj da u skladu sa zakonskim ovlaštenjima i procedurama poduzme potrebne mjere u cilju stabilizacije prilika u Javnoj ustanovi „Dječiji vrtić“ Maglaj, odnosno preispita rad menadžmenta i predlože odgovarajuća rješenja;

13.2. Zadužuje se Upravni odbor Javne ustanove „Dječiji vrtić“ Maglaj da Općinskom vijeću Maglaj u roku od 45 dana od dana održavanja konstituirajuće sjednice Upravnog odbora dostavi informaciju o poduzetim radnjama i prijedlozima za stabilizaciju rada Ustanove.

13.3. Pozivaju se nadležne Općinske službe da u okviru svojih ovlaštenja prate stanje i pruže stručnu podršku Upravnom odboru.

AD – 14: Informacija o stanju lokalnih i nekategorisanih puteva na području općine Maglaj

Predsjedavajuća Aida Bašić: Prelazimo na tačku 14. Informacija o stanju lokalnih i nekategorisanih puteva na području općine Maglaj. Otvaram raspravu, vijećnik Mirza Mešić se javio za riječ.

Vijećnik Mirza Mešić: Informacija koja se nalazi na Dnevnom redu je zapravo svojim sadržajem Izvještaj o realizaciji programa održavanja i sanacije puteva za 2024. godinu, odnosno pregled zaključenih ugovora po istom, stoga zahtijevamo znači Informacija koja je trebala biti ovdje treba da pruži osnovne informacije o stanju putnih pravaca na području općine Maglaj, sa navođenjem kvaliteta puta. Ja koliko sam upućen ni sam grad ne posjeduje dokumentaciju kada je u pitanju horizontalna i vertikalna signalizacija itd. Stanje sa infrastrukturnim objektima i potencijalno opasnim pojavama uočenih tokom ranijeg perioda, uticaj klizišta, opterećenost prekomjerna novisost. Što smo dobili u prethodnom periodu kada je izvor ovog materijala gdje most je sigurno najviše trpio. Potreba sanacije i rekonstrukcije mostova, bankina, nedostaci horizontalne i vertikalne signalizacije. Uočenim problemima u odvijanju saobraćaja, učestala kršenja, uska grla i slično. Imamo generalno problem već duže vrijeme što bi trebali i ovdje da se razmatra brza vožnja i bahato ponašanje vezano s tim, gdje bi trebali da rješavamo. Mi smo kao Savez za bezbjednost saobraćaja dali prijedlog da se uradi jedan elaborat kada je u pitanju prepreka za smanjenje brzine na području cijele općine da bude lakše službi u daljem radu. Posebno se odnosi na ovaj uži dio grada također taj problem imamo kada je pitanju ta problematika i po samim mjesnim zajednicama. Zato predlažemo da se ova Odluka primi k znanju a da se informacija s ovim elementima pripremi za sjednicu Vijeća u periodu do oktobra ove godine. Također, ako postoji mogućnost volio bih da se u tu informaciju uvrsti i one dionice putnih pravaca po mjesnim zajednicama gdje nisu riješeni imovinsko pravni odnosi. Navest ću svoju MZ Kosova imamo putne komunikacije koje se vode kao javni i održavaju se već duži niz godina i urađene su zaista, međutim kada uđete u katastr, grunt vidi se da su to privatni posjedi. Ako postoji mogućnost da imamo informaciju npr u Kosovu, Kopicama, koje su te putne komunikacije.

Predsjedavajuća Aida Bašić: Mirza, da pitam da li želite da se glas ao Vašem prijedlogu? Želite, dobro hvala. Da li ima još vijećnika za diskusiju? Vijećnik Ramić izvolite.

Vijećnik Elmedin Ramić: Evo ovako ja bih sve da vaš poselamim i pozdravim, pošto prvi put izlazim. Što se tiče ove tačke vidimo da je naslijeđena velika opterećenost Budžeta iz prethodne godine jer se upravo ovaj ugovor odnosi od augusta do augusta a nije za jednu fiskalnu godinu. Želim da pohvalim Općinskog načelnika što je racionalno, svjesno i odgovorno trošio preostali iznos i pomogao našim građanima na području općine.

Predsjedavajuća Aida Bašić: Hvala lijepo. Da li se još neko javlja za riječ. Ukoliko ne javlja, te prijedlog koji je iznio Mirza Mešić za govoricom stavljam na glasanje a vezano za pripremu Informacije sa detaljima o kojima je govorio. Ko je za?

Glasalo za:), Kenan Burić (NARIJED BH), Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA).

Glasalo protiv: Almin Smailović, Jasmin Đuhara, (SDP)

Uzdržanih: : Damir Bašić, Arif Mujkanović, Firuz Galijašević, Samir Fetić, Eldin Mehinagić, Adin Obralić, Senad Šehić (SDP).

Predsjedavajuća Aida Bašić: Konstatujem da je prijedlog dobio potrebnu većinu, također konstatujem da Vijeće prima Informaciju k znanju.

ZAKLJUČAK

14.1. Prima se k znanju Informacija o stanju lokalnih i nekategorisanih puteva na području općine Maglaj.

14.2. Da se za sjednicu Općinskog vijeća Maglaj do oktobra 2025. godine, pripremi Informacija koja će da pruži osnovne informacije o stanju putnih pravaca na području općine Maglaj sa navođenjem kvaliteta puta, da li je kolovoz sa asfaltnom podlogom ili nije, stanje sa postojećom saobraćajnom signalizacijom, postojanje saobraćajne planske dokumentacije, stanje sa infrastrukturnim objektima i potencijalno opasnim pojavama uočenih tokom ranijih perioda, uticaj klizišta, opterećenost prekomjernom nosivosti, potrebna sanacija i rekonstrukcija mostova i bankina, nedostacima horizontalne i vertikalne signalizacije, uočeni problemi u odvijanju saobraćaja, učestala kršenja, uska grla i slično, te da se u Informaciju uvrste dionice putnih pravaca po mjesnim zajednicama, gdje nisu riješeni imovinsko-pravni odnosi

Predsjedavajuća Aida Bašić: Prelazimo na vijećnička pitanja i inicijative. Vijećnik Mehinagić izvolite.

Vijećnik Eldin Mehinagić: Ja vas opet pozdravljam. Ništa što se tiče, jednom sam govorio o tome, samo da dam prijedlog da općinska administracija pokuša iznaći mogućnost i sredstva stvarno da se asfaltira poligon u MZ Jablanica i da se iznađe mogućnost postavljanje rasvjete ovaj puta prema Gračama.

Predsjedavajuća Aida Bašić: Hvala lijepo, vijećnica Mustabašić pa vijećnik Arif. Predomisli se, Arife izvolite.

Vijećnik Arif Mujkanović: Samo želim da kažem da sam dobio odgovor na prošlu vijećničku inicijativu odnosno pitanje i nisam zadovoljan sa istom gdje sam tražio da se Općinski načelnik sa službama uključi u rješavanje problema pasa lualica i žohara. Odgovor sam dobio kojim nisam zadovoljan. Naime, radi se o sljedećem, jedino na to pitanje dao mi je Dom zdravlja. Trebalo bi se postaviti na taj način da se uključi, da animira, odnosno angažuje referentna kuća koja može koja je sposobna da to uradi i Općina izdvaja iz svog Budžeta sredstva za dezinfekciju, dezinfekciju i deratizaciju na području općine Maglaj i potrebna su dodatna sredstva ili da se napravi jedna revizija tog ugovora da li je to dostatno i da li je to dovoljno na jedan kvalitetan način, odnosno urađeno. Što se tiče problem pasa lualica naprotiv još je više kulminiralo i vidimo svjedoci smo da se svakodnevno napadaju na sugrađane i nemogući lavež i buku prave po gradu.

Predsjedavajuća Aida Bašić: Hvala lijepo, vijećnica Mustabašić izvolite.

Vijećnica Armina Mustabašić: Podnosim vijećničku inicijativu za postavljanje zaštitne ograde oko fontane koja se nalazi u novom Gradskom parku Maglaj. Inicijativu podnosim u ime roditelja čija djeca svakodnevno borave i igraju se na igralištima unutar ovog parka. Iako park pruža ugodan prostor za boravak, fontana bez ikakve zaštitne ograde predstavlja ozbiljnu opasnost posebno za malu djecu. Do sada je zabilježeno nekoliko slučajeva padova djece u fontanu koja su srećom prošla bez težih ozljeda. Postavljanje jednostavne zaštitne ograde ne zahtjeva velika sredstva ali bi značajno doprinijelo sigurnosti svih posjetilaca, posebno djece. Sigurnost naših građana a naročito najmlađih mora biti prioritet na planiranju i uređenju javnih površina. Predlažem da se što prije pokrene procedura za postavljanje zaštitne ograde oko fontane, kako bi se spriječile moguće teže posljedice i osigurao siguran prostor za igru i odmor svih građana.

Predsjedavajuća Aida Bašić: Hvala lijepo, Vijećnik Serhatlić

Vijećnik Nesib Serhatlić: Ja podnosim inicijativu da se na već postojećim oznaka u gradu na raskrsnicama koje vode, označavaju smjerove kretanja prema hotelu Galeb kojih ima dosta u gradu da se izvrši ta izmjena, da se umjesto Galeb stavi novi hotel koji je otvoren prije neki dan, hotel President i spa i da se još na ulazu u sjeverni dio grada i južni da se stave također obilježja koja također označavaju putnicima koji ne znaju strancima da je hotel taj tu i da oni imaju uvid u sve to.

Predsjedavajuća Aida Bašić: Hvala lijepo, vijećni Ridžal pa Burić.

Vijećnik Alen Ridžal: Podnosim vijećničku inicijativu za izgradnju jarbola sa zastavom BiH i postavljanje spomen ploče u blizi lokalnog mezarja u Međićima u čast šehidima ovog kraja koji su svoje živote dali za odbranu domovine tokom agresije na BiH.

Predsjedavajuća Aida Bašić: Hvala lijepo, vijećnik Burić izvolite.

Vijećnik Kenan Burić: Ja podnosim inicijativu za nabavku aparata za rano otkrivanje žutice kod novorođenčadi na važnost rane dijagnostike kod novorođenčadi predlažem pokretanje inicijative za nabavku neinvanzivnog bilirubinometra za potrebe pedijatrijskog odjela. Žutica koja pogađa više od 50 % dojenčadi u prvoj sedmici života iako je u većini slučajeva prolazna i bezopasna u težim slučajevima može dovesti do ozbiljnih neuroloških oštećenja ako se ne otkrije na vrijeme i ne liječi. Rano otkrivanje i praćenje nivoa bilirubina presudno je za prevenciju komplikacija. Nabavka ovog aparata predstavlja dugoročno ulaganje i unaprjeđenje neonatalne zaštite i brige o najranjivijoj populaciji. Drugu inicijativu koju pokrećem je ukidanje ili gašenje semafora na ulazu u Maglaj iz pravca HM Pročmeta. S obzirom na svakodnevne gužve koje se stvaraju na ulazu u Maglaj iz pravca HM Pročmeta a koje dodatno usporavaju saobraćaj na glavnoj magistralnoj cesti koja je ujedno i najprometnija saobraćajnica na ovom području, predlažem da se razmotri mogućnost trajnog gašenja ili uklanjanja pomenutog semafora. Semafor se umjesto da doprinosi regulaciji pokazao kao uzrok zastoja i produženog čekanja vozača naročito u jutarnjim i popodnevnoim satima kada je promet pojačan. Imam jedno pitanje vezano za podvožnjak u Misurićima kod starog pogona HM-a koji je zarasto i stanovnici su pisali da li je moguće da se taj podvožnjak očisti jer ima drveća nakupljanje zmijsa, pošto tim putem djeca idu u školu da ne idu na petlju, pa su pitali da li je moguće da se to očisti.

Predsjedavajuća Aida Bašić: Hvala lijepo. Da li ima još vijećnika? Ukoliko nema zaključujem sjednicu u 19,59 sati.

Sjednica završena u 19,59 sati.

Zapisničar,

Elza Gračić Skejić



PREDSEDavajuća

Aida Bašić



